

FIFTEENTH SITTING ON FRIDAY APRIL 7, 2000.

PRESENT

PU R.LALAWIA, Speaker at the Chair, Chief Minister,
14 Ministers and 23 Members were present.

QUESTIONS

1. QUESTIONS entered in separate list to be asked and oral answers given.

PRIVATE MEMBERS' BUSINESS

2. RESOLUTIONS

S P E A K E R : Tin, ka hrilh a che u, miten
thu lawi lo an sawi apiang,
wuhu thu chu rorel niah chuan
an sawifiah a la tul ang.
I thu chuan thiam a chantir
ang chea, i thu vek chuan
thiam loh a chantir bawk
dawn che asin, a ti a.

Matthia 12:36-37.

Member absent Pu P.B.Rosanga question kan la nghal anga,
starred question No.208-na zawt turin Pu Zakhu Hlychho
ilo sawm ang.

PU ZAKHU HLYCHHO : Pu Speaker, Pu J.Lalthang-
liana nena kan zawhna in-
tawm Minister in-charge
Environment chhan atan -

- (a) Ni 5.3.2000 ni a Aizawl sahuana naupang sawawm
in a seh kha Sorkarin zangna dawmna a pe em ?
- (b) Pe ni ta se engzat nge a pek ?
- (c) Dampa Wildlife Sanctuary ramri hi siam ani tawh
em ? Mipui hmuh theih turin ramri hung (pillar)
phun ani em ? tih ka zawt e.

...330/-

S P E A K E R : Chhang turin Pu Rualchhina,
Minister i/c Environment &
Forest i lo sawm ang.

PU RUALCHHINA : Pu Speaker, Saiha bialtu
MINISTER zahawm tak Pu Zakhu-a zawhna
kha hetiang hi a ni a.
Ni 5.3.2000 nia Aizawl sa-
huana savawmin a seh kha Sorkarin zangna dawmna a pe em ?
tih chhanna chu - 'Pe e' tia chhan a ni, Tin, pe ni
ta se engzat nge a pek ? tih hi a hmasa berin immediate
relief kan tih angah khan Rs.1200/- kha kan Chief Wild-
life warden khan a pe a. Tin, chumi hnuah chuan Rs.5000/-
hi pek a ni bawk a ni. Tin, Dampa Wildlife Sanctuary
ramri hi siam a ni tawh em ? Mipui hmuh theih turin
ramri hi pillar phun a ni em ? tih hi kan chhanna chu -
Dampa Wildlife Sanctuary ramri hi 1994 daih tawh khan
siam a ni tawh a. Ramri lung erawh kha chu tunah hian
Central Sorkar sum min pek atangin tih tan mek a ni.
Chu chu kan chhan theihna a ni e.

PU LALHMINGTHANGA : Pu Speaker, hemi Dampa Wild-
life Sanctuary ah hian ka
kal a, kawngpui Phaileng
atanga Marpara lamah te
khuan kan kal zauh zauh a. Tin, khumi hnaih a an khaw
awm te khu kan zawt thin a. Wildlife Sanctuary han siam
hian khawvel hmundangah an area boundary va siam a,
pillar te va phun piahlahmah te khan ramsa chi hrang
hrangte leh sava te thleng khan khang kha khalai hmun
khan a hip theihna turin Sorkar hiar. nasa takin hma a
la thin a. Chuta tan chuan ramsa ina an chaw duhzawng
tur, chutiang va phun te. Tin, theirah lam anih
pawhin chutiang va phun te, chumi tello chuan hei hi
Wildlife Sanctuary thil a ni e, han ti ringawt mah
ilangin chaw a thatna hmunah lo chuan kheng ramsa te tan
khan eng ang kawng hrang hrang in nge kan Sorkar hian
hma a lak ? Dampa Wildlife Sanctuary hi hmun hrang
hrang ah siam tum mek a ni em ? Heng hmunah te hian
chutiang ang tho chuan nungcha chunglame leng chi leh
ramsa, lei a tla chi te, luidung a awm chi sangha te
leh, chengkawl te, chung ang thlenga an lo pun theih-
na tur hian eng measure nge a lak ? Chaw awm lohna
hmunah chuan engpawhnise kan pem zel a, kan Zoramah
pawh nungcha hi kan tlachham em em tawh a, savate leh
thil chi hrang hrang tunhma a kan neih thin tam tak
ramsa te an hram te leh, an rawl leh an thawm te pawh
hi hriat tur a awm ta mang laba. Heng tipung leh tur
hian kan Sorkar hian engangin nge hma a lak ?

PU ZAKHU HLYCHHO : Pu Speaker, zawh belhna -
engtizia a kha accident thil
kha Sorkarina a enkawl lai
sahuan a lo thleng thei nge
maw a nih tih ka zawh belh duh a, chubakah kha sahan
kha Sorkarin a enkawl dan a tha lo a ni tih hi tlang
hriat a ni a. Chuvangin Sorkarin kha sahan kha nakina
midang pawhin kan la tlawh duh mai theih ani a, khatiang
thil kha a thlen tawh loh nan eng measure nge tunah hian
Sorkarin a lak tawh tih ka zawh belh leh a.

Pathumna ah chuan Pu Speaker,
hemi zangna dawmna an sawi a tira Rs.1200/- a hnuah
Rs.5000/- a rawn ti khan ka hria a, a dik emaw ? Ka zawh
duh chu kan Sorkar hian hetiang zangna dawmna pek theih-
na dan hi a nei reng em ? nge kan Minister te leh Forest
Department hotute khan an sawiho a, a nat dan azirin hei
chu a awm alawm tiin an bithliah ve mai, engnge Sorkarin
dan kan nei dan ? A amount pawh hi ava tlem tham em em
ve, kan dan neihte kha a awm anih chuan kan Minister
hian min chhiarchhuah sak thei em ?

PU J.LALIHANGLIANA : Pu Speaker, zawh belhna kan
tih duh chu Dampa Wildlife
Sanctuary hi Mizorama Wild-
life Sanctuary kan neihah
chuan Central pawhin min ngaisak pui em em mai a. Ka
kal ve thin a. Tin, Tiger Project kan ti bawk a, a
pawimawh khawp mai a. A ramri chungchang thu kha Minis-
ter zahawm takin 1994 a siamfel tawh a ni a ti a. Lung-
phun erawh chu kan la ti dawn mek ani ti ang deuh khan a
sawi a. Hei hi a bula chengte tan khuan a buaithlak khawp
mai a. Nikum hmasa hmasa leh khan ramri chungchang thua
High Court hialah an inkhing a. Nikum khan engemawzat
Forest hian kan ramchung in vat e tiin Phuldungsei mite
man turin a ti a. Kan Home Minister leh kan Forest Mi-
nister te felna azarah thubuai nei lovin an tlingtla
thei hlah a. Kumin pawh hian chutiang bawk chuan an lo
vat lai te an khap a. Ramri ah hian khulala awnte khu
kan buai em em mai a. A chhan chu pillar awm loh vang
ani pakhat a. Chuvangin a rang thei ang bera ramri
lungte phun fel turin kan ngen bakah engtikahnge phun
fel anih ang tih kha kan zawt duh a.

Tin, a ramri kaldan khu na-
tural boundary zui lovin Saithah atanga Phuldungsei
ramri kalna ah khuan lamlian dung a zui a. Lamlian te
chu suan suan theih a ni a, takhuan natural boundary
tlangdung han zui mai 'on the ridge' ti a khumi tlang-
dung han zui mai khuan, a sahmulthen ah han tih mai
khuan a remchang em em mai a. Tuna lamlian khu chu a
him tawk lo a ni. Lamlian hi suan suan theih a ni a.

Chuvangin a ramri hi natural boundary Saithah leh Phuldungsei inkar a bik takin khulaiiah khuan a tlangdung zui khuan on the ridge ah a sahmulthen ah siamthar leh theih ani lawm ni ? tih kha kan zawt duh bawk a ni.

PU K.T.ROKHAW : Pu Speaker, engpawhnise hemi aia tam zawk hi a pe thei ang em ? tih leh Savawm naupang sehtu hi a Department hian a chawm hneh loh avanga riltam lutuk, chumi avanga nau-pang seh ta mai ani ang em ? A chhan chu sahan a sa reng reng hi a puar chuan a zaidam lutuk, a riltam chuan a thin a chhe tlat. Chuvangin hei hi a Department in mawh a phurin ka hre tlat a ni.

PU H.RAMMAWI : Pu Speaker, hman kumah khan Delhi sahanah naupang pakhat chuan Sakei awmna a va zen avangin a ban a lo lak-sak a, a lo seh sak a naupang te pawh kha a thi zui ve nghal a. Tin, hmanni lawkah khan kumthar niah Calcutta sahanah Sakei pukah tlangval pahnih an lut a, pangpar thi awrh tir an tum a, New Year lawm nan. Pahnih an lut a, pakhat sakeiin a sehhlum a, pakhat chu a thih hma deuhin sahana mipui khan an au ta vak a, thi lo deuhin an chhanchhuak a. A dam zawk chu dandawiin ah an enkawl a, dandawiin atangin Doctor ten tha anan ngaih hnuah an chhuah tir ta a. A chhuah rual rualin jail ah an dah lut daih mai a, Forest dan a kalh avangin. Hetiang incident hi Delhi leh Calcutta ah pawh a awm tawh a, Mizorama hetiang a lo thleng pawh hi a vanduaithlak khawp mai a. Tunhnu ah hetiang thil hi a thlen leh tawh loh nan Department lam pawh fimkhur ve deuh se a tha ang.

PU RUALCHHINA MINISTER : Pu Speaker, amah naupang kha kan hriat chinah chuan naupang harh tak mai a ni a. Chuvang chuanin, mi tih loh chinah khan a kua hmun an phiah chhuahna leh tui an tleuhna han luanchhuahna lai ah khan a va inrawlh hram niin an sawi deuh a. Chu chu kan DFO te ka zawh pawhin an sawidan a ni a, a pawh khawp mai. Engpawhnise, chu chu a va chhaih vel niin a lang a, khami laia va chhaih a, va inrawlh vel kha a lo man ta hlauh mai niawm tak a ni a. Chuvangin khalaiah khan midang tana han hlauhawm emaw kha a awm lem loh avangin, midang himna tur emaw measure han lakna tur em kha a awm chuangin kan hmu lo a ni.

PU ZAKHU HLYCHHO : Pu Speaker, zawh belhna -
kha naupang kha a lo ninhlei
deuh pawh a ni maithei a,
naupang an inang vek lova.

Nakin hnuah naupang ninhlei dang pawh an la kal maithei
a, khatia a va chetsual theihna lai lo awma kha engnge
ni a preventive measure Sorkar hian a la em? Nakin
hnuah pawh naupang dang ninhlei deuh kha va kal ta
sela, khatiang thil bawk kha a thleng leh palh ang e
tih thua ka zawt a ni.

PU RUALCHHINA : Pu Speaker, a thleng tura
MINISTER ngaih a nilova, mi kal lohna
tur lam thleng thlengin a
lokal palh ni berin a lang

a. Chuvang chuan khulaiiah a vengtute hnenah kang kha
chu instruction pek mai chi a ni. Tin, a compensation
kan pek a kha a tlem lutuk deuhlek a ti a, a tlem pawh
kan ti lova, a tam pawh kan ti lova, khawngaihna avanga
hei chu kan tanpui ve na hrim hrim a ni a, tin, dan
thuah pawh hian compensation hi a tlangpui thuin kan
nei ve bawk nachungin, a nihna dan atang khan a tulna
dan atanga compensation kha chu pek tur a recommend a
pek theih chauh pheih chu a ni chuang kher lo a ni. A
tu zawk nge, a khawi zawk nge tusual zawk atang khanin
compensation pek tur leh tur loh kha chu a lang thin a.
Ramdang sahanah te pawh Sai te pawh a lo awm ta a,
Sai in mi lo te a lo va tihchhiat chuan zangna dawmna
a awm tawk angte chhut sek a, pek te pawh kan nei a.
Chutiang chuan provision engemaw kan nei ve thin a.
A tul dan erawhchu uluk taka en a ni thin a ni.

PU ZAKHU HLYCHHO : Pu Speaker, lo va tla in
a mi lo a buh a tihchhiat
leh Sorkar sahanah mihring
a lo man kha chu a dang
alawm mawle!

PU RUALCHHINA : Pu Speaker, a danglam lo
MINISTER ka ti hleinem, danglam
thu ah chuan a danglam
daih alawm. Sorkarin

compensation pekna dan a nei em ? tih in zawh a sawi-fiahna a ni. Dan ang tak chuan ziak a a lan ka hre lova, mahse a tul ang ang khan heta tanga recommendna siam a min rawn pawm sak chuan khulam atang khanin compensation hi chu min rawn pe mai zawk a ni. Provision emaw dan emaw nei tlut kha kan ni hran lo.

Tin, Phuldungsei bialtu zahawm tak Pu Lalthangliana'n ramri khumi Dampa Tiger Reserve ramri a rawn sawiah khan harsatna engemaw chen kan tawk thin niin a lang a. Tuna kan han thut ve hnuah pawh hian ama sawi tawh ang khan vawi hnih chiang zet mai chu harsatna kan tawk a ni. Mahse theihtawp kan chhuah a engmah intihbuaina awm lovin kan inchhuah hram zel a. A tha hle a, thil hi rei ve tawh angreng 1994 daih tawh atanga thil lo tiffel tawh kha anih avangin ramri han sawn leh tur ang kha chuan a la harsa tlat a. Kan Officer te pawhin an han enchian hianin kan ram chin an ti a, tan fung an siam ve thei tlat. Lehlahmah village a mite khanin in rawn ti deuhhlek a ni lo maw an ti ve a. Inhnialna a tam duh viau va, mahse Gazetted notification te an lo chhuah tawh avangin officer tan chuan gazetted notification ramri a kha tlawhchhan tlat kha a ni ta mai a. Khulamah pawh khami ang taka an lo approve tawh thin avang khan hnathawktu tan chuan an rinawm lo anih si loh chuan dan anga tan tlat kha a ngai ve tawh thin a. Chu chu kan buaina ber pawh ani a. Lehlahmah chuan khami khua-a miten an hriat leh awmlo an tihte pawh kha ni ve maithei tho ani. Mahse thil kha dan anga a lo indelkhilh tawh a, Sorkar notification anga a lo kal fel vek tawh hi chuan thawklekhata tih mai theih ani thin lova.

Tin, hei hi an ngaih pawimawh em avangin a bik takin sanctuary naran ai pawhin Tiger Reserve kan tih ang chi pheih hi chu an ngaipawimawh leh zual a. Tunah te pawh a hungna tur nen proposal nen a kal mek a ni. Chuvangin ramri leh boundary engkim mai hi helaiyah a lo inziak ve si a. Tura Pu Thangliana pawh khanin a boundary hi zawh a tha lawm ni ti mahse, vawilekhatah chuan a tih mai theih lova. Ti dawn pawh ni ila khulam atanga an remtihna anih loh chuan sawn har tawh tak a ni a. Chu chu in lo hriat a tha viauin ka ring a.

Tin, compensation kha a tlem em a tiin kan Tuipang bialtu zahawm tak khan a rawn sawi a. Nichina kan sawi tawh ang khan hei hi chu a tlem leh tlem loh lampang ai khan khawngaihna leh an tulna leh enkawlina atan a mamawh angah kan puihna ani tih kha kan hriat a pawimawh a, chawm that loh avanga lo seh ta kha chu ani hauh lova. Kan sawi tak ang khan an ninhlei avangin awa chesual ni berin kan hmu a. Chu chu ani zawk a, tin, Pu Rammawi khan naupang alo seh hlum tawh thu Delhi lama mite pawh a rawn refer, kang kha kei chuan hriatchianna ka nei lova. Tin, Calcutta a khatiang thil lo thleng tawh te pawh khatiang tura lo ruahman ngaihna pawh ka hriat loh avang khan kang kha chu kan chhan theih loh ni mai sela.

Mahse heng zawhna fing tak a rawn sawichhuak kha kan vai tan a tangkai hlein ka hria a.

PU J.LALTHANGLIANA : Pu Speaker, kan Minister zahawm tak khan, a ziaak hi chuan boundary a awm a ni. Mahse kan buaina ber chu

Aivapui lui a zuithla anga, chu nen chuan a in fin anga tih mai ani a, a ziaakah hian. Chu chu kan buaina a ni a. Physical a demarcate pillar phun te kan zawh belh duhna ramri pillar te awm tak loh ah chuan kumin khuan Phuldungsei khua khuan an ram chin nia an hriat an vat a ni. A then chu an vah zawh hmain Forest ten kan ram ani tiin an khap a. An vat laklawh tawh si a, an hal tawh si a. Khu khu tihbuai lo talin kumin hian an nei thar dawn lawm ni lo ah tih kan zawt duh a ni.

PU ZAKHU HLYCHHO : Pu Speaker, zawh belhna pakhat chauh. Hei hemi zawhna ka siam lai hian ka rilru ka ngaihtuah chu India

ramah, khawilai hmun hrang hrangah Sorkarin a enkawl na sahanah chetsualna a awm zauh zauh a. Chuvangin, State Sorkar leh Central Sorkar pawh nisela dan leh dun hi a neih ka ring a. Chuvangin engtin nge khatiang ke tan lo ngai ta, damchhunga ke bula awm tawh tur kha kan Sorkar hian engtin nge a enkawl chhoh dan leh zangnadawm-na pek tum tih hriat duh vanga rawn zawt kan ni a. Kan Minister khan a chhang ho zo vek mai a. Rama Saiin buh a chil chhiat te nena thuhmun khan min daksak vek mai a.

Tin, khami a thlen tawh loh nana engemaw tal naupangin a va kal luh theih mai anih chuan kal tawh lohna turin thing emaw mau emaw thir emaw tal lo kham awm. Khatiang measure te kha engnge an lak tih kha a nia ka zawhna chhan chu. Chutizawnga pakhatmah chhang lova a sawiho zo vek kha paw ka ti a.

Tin, India ram hmun hrang hrangah a thleng ve si a, accident a awm nuab a ni-chinah Sangau bialtu zahawm tak pawh khan a sawi a. Chutiang anih chuan Forest Department hian engnge dan a nei reng em ? tih kan Minister hian min hrih teh se.

PU RUALCHHINA
MINISTER

: Pu Speaker, Phuldungsei
bialtu zahawm tak zawh
belhna kha, an vat tawh a,
an nei zui zel thei mai

dawn lawm ni tih kha chu - ka sawi thei mai lova.
Engpawhnisela, kha anmahni lam atang pawhin engmah kha
an rawn thlen lo angreng viau mai a, ka hriat chinah
chuan. Ka hriat chinah chuan anmahni nena kan inkawm-
na ah pawh, engpawhhise thil engkim, kum engemaw chen
kal tawhah khan tihfel a lo nih tawhna angah khan, tan
tlat anih lohna laiah khanin, "a lo nei lampang hi chu
tum pawh tum lo sela, nei lo hram hram ula hmundang lo
zawng ula", ti te pawhin kan inchah a. Chu chu March 4
an lo len tumin ani nghe nghe a. Chu chu kan zavai
tan pawh a safe deuh berin ka hria a, pumpelh i tum
ang u te pawh ka lo ti a. Mahse an lo vat leh anih
pawhin engnge a kaldan tur erawh chu kan lo thirpui
anga.

Tin, kan Officer te pawh
hemi thua hian a chah te pawh ka chah a. Mahse chung
chu report min la pe chiah lova, ka lo zawt fiah anga.
Kha kha an nei zel a rem leh rem loh thua te nakinah
pawh nei leh tawh lo tura inti anih pawhin anmahni
bond sign tir a kan nei leh tawh lo ange ti hial emaw
engemaw ti zawng taka anmahni pawh an indelkhilh thiam
a ngalin ka hria. Chung kawngah pawh chuan hma lo la
teh u ka ti a. Mahse khami report kha kan la hre lova.
Chuvangin nei zel mai rawh se an ti ang nge nei lovang
an ti pawh kha report kan la dawn loh avang khan kha
kha chu chhang thei chiah lo ah ka ingai mai a.

Tin, Pu Zakhu Hlychho ina
a rawn sawi a kha chu dan te chu kan nei alawm. Wild-
life Act te pawh kan nei a. Forest Act te pawh kan
nei a, Zoo dan te pawh a awm ve tho a. Amaherawhchu,
khangah khan 'khatianga a seh chuan', tih lam a awm ve
hranpa pawh ani lova, chuvang chuan khalai chu hriat-
thiam mai awm ani a. Tin, a reng reng thuin Savawm
awmna te chu thirpal, thirlen chhah tak, khauh taka
hung bik ani a. Tin, khami kha va hnaih lutuk lohna
turin pal dang a awm leh a naupang ninhlei in a va
lawn liam a a va chhah tih kha a hriat avangin kha
kha a pawina tak zawk ani a. Chuvangin, khalai kha
measurement engnge an lak tih pawh kha measure lakna
hran tur khatah khan a awm chuang lova. Tunah hmuh
theih lova khatia brick wall a tih vek kha chuan mi
tihdan phung ani si lo. Amaherawhchu, an hnaih lutuk
lohna turin tih erawh chu hetah hian fencing dang a
awm tho a ni. Chu chu ani zawk a.

S P E A K E R

: E, i kalsan tawh ang aw,
question no.209-na
Pu C.Sangzuala i sawm
ang. Darkar chanve lai
kan chan te e, arei lutuk
dawn e.

....337/-

PU C.SANGZUALA : Pu Speaker, starred question no.209-na - Minister in-charge Department of Personnel and Administrative Re-

forms chhan atan -

MPC leh MNF tangdun Sorkar chhung khan heng a hnuaiia tarlan Department ah te hian contract te, supply te pek zat leh thawktu tak M.R. basis telin, a zat min hriih thei em ?

- 1) Power & Electricity ah
- 2) Social Welfare ah
- 3) Health & Family Welfare ah tih ka zawt e.

S P E A K E R : A chhang turin Pu Tawnluia, Minister in-charge DP & AR ilo sawm ang.

PU TAWNLUIA : Pu Speaker, South II MLA
MINISTER zahawm tak zawhna (a) (i) chhanna kha - Power and Electricity Department

hnuaiiah contract leh supply hna 161 pek ani a. Tin, appointment chungchangah chuan regular appointment pathum, compationate ground a appointment, regular in 18, officiating appointment pathum, M.R. in pasarih a vaiin 31 ani a.

Tin, Social Welfare Department ah contract hna 9, supply hna 12, a vaiin 21 pek ani a. Hemi chhung hian he Department ah hian appointment M.R. emaw regular emaw officiating in emaw siam a nilo. (3)-na Health & Family Welfare Department ah contract hna 45 supply works 645 a vaiin 690 pek ani a. Tin, appointment hi 318 regular a ni a. MR 17, avaiin 318 appointment siam a ni.

PU C.SANGZUALA : Zawh belhna,ka zawhna hi Member te nuih a za deuh-hlek maithei a. Thawhho chhung khan kan thawhhona a tha viau ani tih sawi a ni thin a. Enganga lo zalen a lo thawk tlang nge kan nih tih fiah nan ka'n zawt a ni ber a. Heng kan zawhna te hi khawngaih takin a list hming nen, tin, tangka involve nen min pe thei ang em le ? tih ka'n zawt ang e.

.....338/-

PU H.LALTANPUJA : Pu Speaker, kha DP&AR Minister zahawm tak khan kimchang takin a rawn sawi a, a rawn chhang a, lawmawn ka ti khawp mai a. Tin, a zawhna neitu rilru pu tak khan a rawn sawi a, a tha a. Kohhran Upa zawh tur awm tak tak ani a.

S P E A K E R : I zawh tur lam kha zawt teh, Kohhran Upa an nih loh nih loh mimal chanchin kha chu sawi tawh teh suh.

PU H.LALTANPUJA : Pu Speaker, MNF Minister te chanpual a hna an pek leh appointment an pek zawngte Pu Speaker, zawh belhna neituin a dil ang khan min pe thei ang em le ?

PU Z.H.ROPUJA : Pu Speaker, ka zawh belh duh chu - Hei MNF leh MPC Sorkar chhunga a hnuaiia tarlan department a tih bak, Industry Department ah hian engzat nge hetiang anga hna pek a nih ? Tin, heng hna pek chungchang hi helaia i veilama thu tena hmanna Resolution an putluh, MOU an tih summary record of the discussion kha a hlahawm tehchiam lova an pe nge ? Kha kha an sawi hlahawm ang khan a hlahawm lova, an ti mawp mawp mai tho ani lawm ni ? tih kha kan zawh belh duh a ni.

PU J.LALTHANGLIANA : Pu Speaker, Kohhran Upa lam kha chu ka sawi ve lovang a. Hei, Health & Family Welfare Department ah hian a ropui ka ti. Regular appointment in kum 1 lek chhungin 318 kan lo nei hman a. A ropui hlein ka hria. Tin, Power and Electricity ah pawh hian hei compasionate ground in 18 lai mi mangang te hnenah appointment kan lo pe hi a

ropui ka ti a. Kan zawn duh chu - Power & Electricity ah hian mi 3 officiating in lak an ni a, MR in 7 lak an ni a. Heng hi regularised theih an ni angem ? tih leh Health & Family Welfare ah hian MR in 17 lak anni a. Hengte hi regularised theih anni angem ? tih kan zawt duh a ni.

S P E A K E R : A chhang turin Pu Tawnluia kan sawm dawn anga. Hemi a main question a tel lo Pu Z.H.Ropuia zawnna te leh midang ina a main Department a rawn zawnna ami nilo kha chu, i chhang thei lo anih pawhin chhang lo mai rawh. I chhan theih chuan nangma thu thu nisela.

PU TAWNLUIA : Pu Speaker, chhang thei vek MINISTER chuan ka inhria a. Mahse chhan dan tur tawka ka hriat in ka chhang mai ange. M.R. te officiating te regular appointment pek theih ani em ? tih hi; hei hi anmahni Department te te a lo en theih a ni a. A hna awmdan a zirin an hre sa vek a ni. Tin, M.R. a loh theih lova rawh ngai, post awm chuang lem lova a tulna vanga lak a ni, a officiating pawh chutiang chu a ni. Tin, Department te pawh kan lo hriattir ve turah ngai ila.

Tin, kan Sorkar kumkhat kalta chhung khan kan rel tlang a, Cabinet ah te kan thu tlang a, post pawh hi 547 kan siam a. Heng hi a changtu Department ten a tul an tih angin an lo fill up mai a ni. Heng hi kan vaia sulhnu leh kari tih tlang niin kan ngaihtuah turah ka ngai a ni.

Tin, MOU khan a phuar leh phuar loh chu tuna kan chhanna atang khan kan zavaiin kan hrethiam mai lawm ni ? tih kha Pu Speaker, kan han sawidan ni mai rawh se.

Tin, heng Department hi DP & AR atangin a lokal a, kan zawnna kan hnenah a lokal takah chuan anmahni Department ah information kan la a, Department in a pek dan angin he chhanna hi kan pe a ni e.

S P E A K E R : Starred Question No.210-na zawt turin Pu K.T.Rokhaw ilo sawm ang.340/-

PU M.T.ROKHAW : Pu Speaker, ka zawhna starred question No.210-na Excise Minister chhan atan - Mizoramah Total Prohibition puan anih atang hian zu hi a rem silova, a hluar zawk emaw tih theih a ni a, engtin nge Sorkarin hmalak zel a tum dan ? tih ka zawt e.

S P E A K E R : Chhang turin Pu K.Vanlalauva Minister i/c Excise Department i lo sawm ang.

PU K.VANLALAUVA MINISTER : Pu Speaker, Tuipang bialtu zahawm tak zawhna kha Mizoramah Total Prohibition puan anih atang hian zu hi a rem silova, a hluar zawk emaw tih theih a ni a, engtingge Sorkarin hmalak zel a tum dan ? tih a chhanna chu- Sorkar chuan Prohibition Act hi kenkawh zel a tum a, tha a ti zel rih a ni tih a ni e.

PU K.T.ROKHAW : Pu Speaker, zu khapna dan kan hman meka hi Dan in a phut angin Sorkar hian a kenkawh ngei ngaiin ka hria a. A pakhatna atana supplementary question a ka zawh duh chu, Excise Department te pawhina zu an man hi leihbaw lovin an dahkhawm a, hei hi Mizoram chung khawi khawi hmunah emaw an pe leh thin ani tih hi Sorkarin a hria em ? tih ka zawhna pakhatna. Tin, a thei chinte chuan an duh hun hunah Excise Department ah zu hmuh tur a awm ani tih hi a hria em ? tih a ni.

Tin, a pathumna ah chuan, Sorkar hian Excise leh Police ten an zu man te hi dah tha tawh lovin mipui leh vantlang hriatah leihbaw turin thu a pe thei ang em ? tih a ni a. Tin, a palina ah chuan Pu Speaker, Sorkar leh Magistrate leh Doctor te hi an lungruah a ngaiin ka hria a, Police leh Excise ten zu zuar/zu in an man te hi Magistrate lam hian dan bawhchhetute chhuah an nei em ? tih kan zawt e.

.....341/-

PU K. VANLALAUVA : Pu Speaker, zawh belhna,
MINISTER Excise ho hian zu dahkhawmna
atang hian zu an pe chhuak ve
leh mai thin tih hi a dik

em ? tih ani a. Hei hi dikna chen a awm a, a chhan chu
hmun hrang hrang atanga kan Excise hnathawktute leh
Police ten an man la in tlak, zu in tlak, zu tha tak
nia an hriat hi chu kan danin min hrih angin keimahni
store ah dahluh theih ani a. Tichuan, chu kan dahluh
chu Sorkarin Doctor te rawn certified hnu a lei phalna
a pek te hnenah rate dik takin hralh leh thin ani a.
Kha zawhna kha zawhna awm tak niin ka hria a. Chutiang
nilo zu chhe tak takte pawh a awm a. Khang kha erawh-
chu leihbuak nghal mai, tihchhiat nghal mai a ni a.
Kha kha a awmia phung a ni a. Tin, Excise awmna hmun-
ah leh hmun khawi khawiah emaw te hianin zu hi hmuh
tur a awm leh reng mai thin a an ti a. Hei hi a dik
thawkhat ang ka ring. Khi kan Magistrate te awmna
kuala kan kal chuanin a rim pawh a nam rum rum reng a.
Khilai prosecution ah khianin Excise force te leh
Police force ten an rawn man ho kha a mihring nen, zu
nena an mante kha an rawn hruai a. Kha kha Magistrate
ina a hmuh ve phawt a ngai a ni. A mihring nen an man
a nen khanin a hmuh ve zel loh kha chuanin kha kha a
tichiangtu a ni a. Chuvangin Excise awmna ah zu hmuh
tur a awmzel tih kha a dik na chen a awm awm e. Amah-
erawhchu, a awmdan kha khatiang kha a ni, Magistrate
in hmuh kawp zel a duh avang khan. Kha kha a ni tlang-
pui a.

Tin, Excise Force te leh
Police ten a an zu man khin te hi leihbuak emaw han tih-
chhiat te hi a tha mai lawm ni le ? tih kha a tam ber
chu hetiang hianin tih a ni a. Court a kal ngai anih
erawh chuanin khami chung a mi an man a mi kha a bawm
leh a bur ah khanin ken awlsam deuhhleik a dah a ni a.
A bak zawng chu mipui hmuhah leihbuak thin a ni.

S P E A K E R : Starred Question No. 211-
na zawt turin Pu Lalrin-
zuala i lo sawm ang.
Pu P.B.Rosanga nena an
zawhna a ni.

PU LALRINZUALA : Pu Speaker, Pu P.B.Rosanga
nena kan question no,211-na
Education Minister zahawm
tak chhan atan -

- (a) Kan sikul kal hun (school session) hi engvanga sawn nge ?
- (b) Nikum May thla a, 10+2 zirtirtu lakna tur Advertisement chhuak a kha tun thlenga interview koh ala nilo hi eng vang nge ? Eng harsatna nge awm ?
- (c) Nikum October ni 15-a High School zirtirtu lakna tur exam na result tun thlenga tihchhuah ala nilo hi engnge a chhan ?

PU F. MALSAWMA
MINISTER

: Pu Speaker, question no. 211
(a)-na chhanna chu -
(i) National pattern a kal
hi tha tawha Sorkarin a

hriat avanga Cabinet in a passed vang a ni a.
(ii) Working days rei zawk neih theihna atana tih a ni a.
(iii) Sports lampang te, seminar te, conference te India ram hmundang te nena kan tih ho remchanna, kan neih theihna tur atana tih a ni a. (iv) Kan Mizo Society tan hian tulna awmin kan hre bawka a. A chhan chu Christmas vuakvet vel lai hian kan inhmang da hle thin a. January thla ah fee te, School admission te han buaipui lehngal mai a kha a hautak bawka a. A pui berah chuan India ramah kan awm a, India ram hmundang te nena inmil tura National Pattern a kal hi tha a hriat anih wang a ni. (b)-na ah chuan nikum May 1999 10+2 zirtirtu tur advertisement chhuah kha tun thlenga interview koh la nilo hi engvang nge tih ani a. Chhanna chu 10+2 zirtirtu lakna tura advertisement chhuah May 1999 vel ami kha Sorkar hnathawk hlawn tihpun anih tak avanga tangka indaih lohna a lo zual tak em avangin Finance Department lamin post fill-up hi tih theih ah min ngaihsak loh avangin tunah chuan kan ti thei rih lo a ni.

Tin, (c)-na nikum October, 1999 High School zirtirtu tur lakna tur examna result tunthlenga tihchhuah ala ni rihlo hi engnge a chhan tih chhanna chu - Operation Blackboard hnuaia zirtirtu te leh vacancies pangngai atan te, D.P.C. in interview a bei mek a. High School atana exam bei te tan interview a ko hman lo a ni tih a ni e.

PU BALHMINGTHANGA

: Pu Speaker, 10+2 chungchang
thu ah hian, hmanni khan
kan Minister zahawm tak khan
Pu Speaker, College 13-ah

H/S lampang a indaih loh avangin bel pheian ni e, tih
thu te kha a rawn sawi a. Helai 10+2 hi kan introduce
iak ah hi chuan, a pawimawh em em mai si a. College
leh H/S in karah a leilawn pawimawh tak a ni bawks
a. Tuna kan kaldan hi a transitional hle mai a, mumal
zawkin Sorkarin hei hi engtikah nge a siam chhuah ang ?
Hmanniah khan Higher and Technical Education lam atanga
kan han ngaihtlak a kan Minister zahawm takin a han
sawi khan. Entirnan Saiha a Science Department te, Cham-
phai, Lunglei, Kolasib te khang khaw hrang hrang amite
pawh khan hemi 10+2 ah hian a teacher awm that loh
avangin Aizawl khawpui pawh khawm mai kan tum a ni.
Residential Science College siam kan tum a ni, a ti a.
A dik thawkhat em em tih pawh kan zuk hriatpui a. Amah-
erawhchu, Science pawl 10 thlenga an lo zir tawh, mahse,
hemi Class 11&12 a mumal loh avanga khatiang anga khaw-
pui a pawh khawm ringawt mai a kha. Thingtlang Rural
Population 100 zela 80% ten chance an neilo tur a khan
kan ram hi a khawih pawl thui thei em em dawn a. Chuvang
chuan heilai 10+2 taka hi kan mumal a ngai tihna a ni a.

Tin, a zirtirtute hlawh chung-
chang thuah hian M.A. Degree nei si a tha tawklowa. Chu-
vang chuan Science a mithiam te chu College lamah emaw
an kal zel a. Chumi harsatna chu Sorkarin a tawh avangin
hemi 10+2 ah hian Science subject te hi a awm tha mumal
theilo tih te pawh a lang a. Chung chu siam that engtir
nge a tum ? Tin, heta a zirtirtu ho a hi an hlawh pay
Implementation Committee in an thlir mek kan han tih
rikngawt ah hian hetah hian thil tha a chhuak pha ang
em ? Tin, an status chungchang thuah pawh entirnan, a hma
a Education lama field a Officer awm te, anmahni zawlpui
te hi Gazetted status pek an ni a. Khang te kha Sorkarin
pek a tum ang em ? tih kan zawt duh a.

Tin, a dawt leh ah chuan nichin
a kan Minister zahawm takin a han sawi ah khan National
Pattern hi kan zui tan a ni. A season thush pawh a rawn ti
a. Hei hi tuna kan han tih tan chhoh ah hian nu leh pa ten
harsatna an tawh nasa em em mai chu Krismas leh kumthar
in hman dak a January thla a Uniform han lei kha a harsa
e tih rual khan, naupang Sikul kal lova an awm chung hi
a rei ta lutuk a, hemi chhung hian suahsualna an bawlin
nu leh pa tan hian Aizawl khawpui ah te lek pheian chuan
Control an harsa niin an hria a. Tin, pi pu chena kan
lo hman hemi kan season kal a hi kan ram lo neih kal-
phung te leh kan hnathawh kalhmang nen a in hmeh a ni a.
Thingtlang lamah te pheian chuan kan working season te nen
a in hmeh khan, kha leh chen kha kan lo kal si a. Hetia
National Pattern hrim hrim han zawm ngawt kha tha ber
em, review leh tumna hi a awm em ? tih kan zawt leh duh a.

Tin, a course chungchang
thu ah hian in Central Board of School Education course
hi a total in Sorkar hian zawm a tum em ni ? a tum niawm
ten kan lo dawng a, hei hi chu a thain a rinawm lova.
Kan History te hi preserve a tul a, naupangin kan so-
ciety te kan culture te an hriat a ngai a. Tunhnai a
Central United Front Sorkar a rawn din hma BJP led Go-
vernment anih lai khan Minister in-charge Human Resources
leh Education changtu khan heng NCERT hi CVSE a an text
bu siam tu ber an ni a. An reform a Director atan khuan
RSS mi ruh tak mai an la lut a ni a. Kum khat vel lek
kal ta ah khan. Tin, India Council of Historical Research
pawh hi Chairman atan hian RSS mi ruh tak mai an la lut
bawk a. Tin, ICSSR kan tih Indian Council of Social Re-
search Chairman atan hian RSS mi ruh tak mai dah a ni
bawk a. Chumi chhunga Secret Agenda inthun nia hnam te-
nau ten a kan rinhlelh a chu Hinduism kha CVSE programme
course atang hian rawn tuh an tum niin a rinhlelh theih
a. Chuvangin a total a CBSE course hi kan adopt leh anih
chuan keimahni National History a chim bo dawn a, kang
ah khanin sakhaw dang chanchinte an mi thianglim chan-
chin te tam tak a rawn tuh dawn a. CBSE hi zawm tumna
hi a lo awm anih pawhin cancelled tumna a awm em ? tih kha
kan zawh duh a ni.

PU J. LALTHANGLIANA : Pu Speaker, Subject pawimawh
deuh a ni a. Engemaw avangin
a sawiho ni khan kan tilo
hlah mai a. Min ngaihthiam
pawh ngalin ka hria. Vawin ni hi, Mizoramah hianin
H/S 170 vel kan nei in ka hria a. Hmanni a Minister in
zawhna a chhanna ah khanin Higher Secondary School H/S
kan neih tlem tak avang hian College dangah te pawh kan
dah nual a. Tichuan kan zawh duhna ah Mamit ah pheih chuan
a lo awm lova, District Headquarter a theih hram chuan
Civil Sub-Division Headquarter awmna apiangah chuan Higher
Secondary School hi awm thei tase a tih theih dawn lawm
ni ? tih kan zawh duh a,

Chulo leha chuan zawhna min
chhanna ah khan kum 5 chhunga Matric Exam Result pass per-
centage hi everage in 32% vel a ni a ti a, 68% vel hi Ma-
tric pass lo drop put ang vel a ni a. Hei kan hre theuhva.
Matric pass lo tan chuan hna hmuh tur a awm tawh lova,
Assam Regiment ah chiah hian a la ti theih a,

BSF ah leh CRPF ah pawh tang
dawn se Matric pass a ngai si a. Chuvangin tun aiah awl-
sam deuh hlek a Matric pass dan tur entirnan Mathematics
tel nasa viau lo hian a duh lo tan chuan nitasela. Matric
pass awlsam dan deuh te hi Sorkarin a ngaihtuah thei lawm
ni ? Tun anga kan tlangvalte Matric Exam 68% fail, drop
out an ni zel hi chuan kan hnam nun hi a tichhe em em
mai a. Sorkar hian Policy thar School Education ah hian
Matric pass awlsam dan, Maths leh Science hi kan chak
lohna lai anih avang hian, hemi hi a duh tan chuan tunah

hian awm reng sela. Tun aia awlsam deuh hlek te hi Matric pass theihna atan hian siam tumna a awm em ? tih kha kan zawt teh ang. Pu Speaker.

PU Z.H.ROBUA : Pu Speaker, ka lawm e. Zawh belhna. Hei Education Department hi an rip hle a. Zirtirtu indaihlohnate a nasa a, a chhan chu pawisa harsatna avangin khang ang zirtirtu an lak belh tam tak kan mamawh anga kha a theih lovin ka hria a. Tichuan, engzatnge helai ah hian kan pawisa indaihlohna hi kan Minister khan min han hrih thei em ? Tin, education atang hian MR ang deuh a zirtirtu engemaw leave ai loh theih loh a ngaih te chu lak theih niin a lang a. Tahchuan, sorkar hian ngaihtuahna a hmang em? Heng kan indaihlohna hrim hrim chhuṭi ai leh ilo ni lova. indaihlohna hrim hrim-ah hian MR angte hian lak theih dan kawng a ngaihtuah thei ang em? tih kan zawt e.

PU LALRINZUALA : Pu Speaker, zawhbelhna, tun hma zawng khan kan sikul session pangngai kan hman lai khan hei zir chhuak kan ngah viau a. A harsa deuh anih pawhin theih loh tak tak chu chu a awm lo niin a lang a, kan lo kal thei tawh a. Tuna national pattern anga kal a pul tak viauna chhan, a lova kan tih theih lohna khawp a awm em ni ? Eng harsatna thar nge kan tawh tak ? tih kha ka zawt duh a. A chhan chu khawpuiam chauh a ni lova, thingtlangah pawh ka zin tam viau a, kan zawt thin a. School chawh rei lutuk hian naupang tih tur hre mang si lo hian phurrit hi nu leh pa ah hian a thlen nasa lutuk a ni. Chuvangin, School tan hun hi a pangngai ang hian a kal leh thei lawm ni ? tih hi ka zawt duh bawk a ni.

PU R.LALZIRLIANA : Pu Speaker, Operation Black Board hnuaja zirtirtu lak tur kha written test te pawh tih vek tawh ani a. Hei hi engtikah nge an lak theih dawn ? Interview pawh tih tawh a ni a. Ka lo hriat danin merit pahnih, intluk deuh rial, lak zawk te pawh an awm thei a, chu chu Department lam merit in nge an lak dawn, Hnam Run Merit in tih kha ka zawt duh a. Tin, ka zawhna kal tawh Mission Veng field ni bawk, a thenin Model School field an tih saw sorkarin field puitling a siam tumin an sawi a, chu chu hma a la mek a. Siam zawh lo nise tu ta tur nge ? A neitu tunge ni ang ?

PU NIHAR KANTI CHAKMA : Pu Speaker, a in relevant em ka hre lova. As per the Recommendation of the Selection Committee held on 27.1.-

2000, Guta Moni has been appointed as a Peon in Kalapani Government Aided Middle School, but on 1st February, 2000 the letter has been issued by the SDEO Lunglei West to the Chairman, it is cancellation of appointment of Shri Budda Muni Chakma as Peon and to make appointment of Barun Kumar Chakma in the same post. Sir, with your reference to the subject cited above, you are inform to cancell the appointment of Shri Budda Muni Chakma, as Peon at Kalapani Aided Middle School due to the objection of Higher Authority which was received by me. Therefore, you are informed to make appointment order in favour of Barun Kuma S/o Rota Ranjan of Kalapani as Peon at Kalapani Aided Middle School with effect from 27 and submit a copy for appointment order to the undersigned. MNF sub-Headquarter, Lunglei District for information, therefore, Pu Speaker, I would like to request the Hon'ble Minister. This is very much injustice and whether re-appointment can be given to Shri Budda Muni, I want to know.

PU F.MALSAWMA : Pu Speaker, tuna Tlabung bial-
MINISTER tu zahawm takin a rawn sawi
kha hmanni pawh khan sawi a
ni tawh a. Hei hi anmahni

saw laia kan Chakma unaute rawn in hek tawna atanga lo chhuak a ni a. Kan han chhui Chiang deuh hlek a, churang chuan an lak hmasa kha thalo tihna engemaw tak a nungchang lamah rawn sawi a awm a ni awm a. Chulalah chuan midang lak tur suggestion siam a ni a, chu chu private a ni a. Hemi Deficit School ah hi chuan. A board tena objection an neih a, SDO emaw DFO te nena an inkarah thuaawm a nih chuan, anmahni inkar a kha an in dawr tur niawm tak a ni a. Khatia zuk ziak khan anmahni hian sawi zuina an neih awm kha tunthleng chuan hriat kan la nei lo a ni, Sorkar ang chuan.

PU NIHAR KANTI CHAKMA : Pu Speaker, Higher Authority
atangin objection hmuh avangin
cancelled a ni tih kha SDEO
in a ziak a ni. Tunge Higher
Authority chu ? Selection Board a kaltlang vek tawh a.
Number one (1) kha appointment pek mai awm, engatinge
number three (3) kha Higher Authority Appointment pek
turah an tih ?

PU F.MALSAWMA : Pu Speaker, kha kha chu ka
MINISTER sawi tawh a, a chhan anmahni
leh anmahni Chakma unaute
atanga objection awm rawn kal

aṭangin a ni an ti a. Chu chu a Chiang a, Higher Authority in tha an tih loh avangin review turin SDEO an hrih a, SDEO in a zuk hrih a, anni a Board in an lo pawm lo anih chuan an thu neihna ang khan SDEO te nen an in be tur a ni a. Chu chu Pu Speaker, SDEO kha in duh leh lo zawt mai ulangin Higher Authority tam tak, a chung a mi zawng zawng kha Higher Authority an ni a. Pu Speaker, Saitual Bialtu zahawm takin a a han sawi a kha Operation Blackboard ah zirtirtute lak tur chungchangah kha chuan written exam zawhah chuan personel interview neih a ni a. Personel Interview neih mek hi la zawhloh a ni a. Chu chu a tlangpui thuin posting leh transfer ah hian harsatna kan neih em avangin a khua amite hi lak theih hram hram nise, tih hmannah pawh khan kan sawi tawh kha. Chu chu a interview Board ten selection an siam dawn a ni.

Tin, Government Model Field chungchang hi hei hi Mission Veng tanah Play Ground siam emaw pek tumna emaw a awm lova, hei hi School Education ram a ni a, School Education ram hi Sport Department in tunhma 1982 chho vel aṭanga Swimming Pool siam tur a ruahmanna lo awm tawh khami kal zela in hriathiamna ang khan a rawn chei that sak a. Sports Council lam aṭangin chei hna an rawn thawk a. Model School Field Education ram ngei a la ni a. Public tana pek a la ni lova.

Tin, Buarpui bialtu zahawm tak ina a zawhna School Education ina School Session chungchang hi a review leh theih em ? a han tih kha, tunah chuan review a ṭalna lam ai khan a ṭha tihna lam kan dawng tam viauva. Kumin bika harsatna an han sawi a kha thudik tak a ni a. A chhan chu Transitional Period ah chuan kumdanga February a lut thin kha, April kan tih takah khan a rei ta duai a. Nakumah chuan a ni tawh dawn lova. May thla hi a nihna tur tak chu a ni zawk a. Chu chu a rei loh hram nan April hi ruahman a ni zawk a. Tichuan, kumtharah chuan rei vung vung kha a awm tawh lovang.

Tin, ṭawipui bialtu ina a rawn zawhna pawisa indaihloh chungchang kha kan han hriat sa theih danah chuan sum lamah kan indaih lova, mihring kan indiahloh avangin zirtirtu ringawt hi hemi School Education ah hian 12928 awma hriat a ni a. Chu chu hlawn lamah a kal nasa a. Non-Plan bikah hian kan Budget aṭang chuan 97% hi a kal ral a. Plan ah hian 82% vel hi a kal ral bawh a ni. A pahnih a lak kawp chuan 89% vel hlawn ah hian a kal ta a, thawh ngaihna kha a awm tawh mang lo a ni. tum a kan dinhmun ah hi chuan, zirtirtu kha an ṭhahnem avangin.

Aizawl E-I bialtu zahawm takin a rawn zawhna kha hemi Plus two chungchang hi a dik khawp mai a. Kan harsat avangin kum thar ah pheh chuan tun kum dik a Matric exam hi 12140 an awm a. Chumi zing ami chu an pass chho dan rate han chhut chuanin 5330 a tlem ber ah pass tur a rin a ni tlangpui a, tuna kan chhut dan ah

chuan. Tah khanin Admission la tur ang kha Aizawl lak thei ang leh kan School neihsa atang a lak thei atanga han chhut chuanin 3197 vel an ni a. Seat neilo tur ang kha buaipui ngai tur ang kha sang chuang zet an awm ta a. Khang ho kha engtingnge kan tih ang tiin tunah hian kan inpuahchah a. Kan Chief Minister zahawm takin Flanning leh Finance kan Chief Secretary te nen uluk takin i ngaihtuah ang u a ti a, tun ni 12 ah hian hemi chung chang inpuahchahna nei tur hian kan thukhawm dawn a. Inpuahchahna lo neih chu kan tum mek a. Tin, College a tuna Lecturer tena an remuneration min hmoi sakna pek theih lo pawh kha, Financial year thar a lo ni bawk a, a rang thei ang ber a pek tum a ngaihtuah chho tum mek lai a ni a. Chu chu kan hriat atan kan sawilang duh a. An dinhmun chungchangah te chu ngaihtuahna kan la nei chiah lova. A chhan chu an pay scale, 2000 kan tih tunhna a, Standard Conversion hma aml ang kha, khang ang kha an vai hian Gazetted a hlankai a ni vek lova. A then then hi Department danga mite hlakai an nih rualin an in an vang ngawt hian Gazetted a hlankai an ni lem lo a ni.

Tin, CBSE Course hi anih ang anga, curriculum a hi in-to-to a hlankai ve mai tumna em ni ? tih laia kha, kan han ngaihthlak a kha a bengvar thlak hle a. Kha kha kan nawr ve hle a, kan ngaihtuah a. Tunah hianin khami curriculum development a kha Central Sorkarin an ruahman anga kha min rawn thawn zela, kha kha kan study a, tunah hian vawi thum vel kan thukhawm tawh a, a final touch tunah hian an bei mek a, chu chu an rawn zo vang a, an rawn thawnah kan thlir ang kan ti a. A Dan hluiah chuan curriculum development ah hian, zir laiah hian 30% hi chu hemi regional interest, kan awmna area chhunga mi chanchin zir theih tura dah theih a ni a. Chulaiah chuan safeguard kan la nei tha a, khami kha an rawn bawhchhia anih chuanin, anih ang ngau ngau a hei chu pawh theih tur a ni lo hrim hrim mai a. Kha kha kan Member zahawm tak ina, kan Opposition Leader ina a rawn sawi kha keini pawhin kan rilru a ni a. Helai hi uluk takin kan ngaihtuah a, keini pawhin kan ram mil turin, kan ram tana zirna siam thatna tur hian theihtawp in i in veng ang u, i in ngaihtuah ang u, kan ti a. Tichuan, keimah ngei pawhin vawi 2 vawi 3 thutpuiin leh a Committee te pawh siam belhin hei hi kan thlir reng a. Tichuan, hmanni lawkah Delhi ah Meeting an zuk nei a, chumia an final note a chu keini pawhin kan nghak dawn a, kan thlir mek a ni.

Tin, Phuldungsei bialtu zahawm tak ina, hemi SDO, Civil awmna apianga Plus two hawn ve te hi a tha lawm ni ? An tih kha, duhthusamah chuan kan tum a. Duh pawh kan duh a. maherawhchu, tunah hian kan sum leh pai dinhmun a chhiat em avang hian kan harsa rih deuhva, Hei hi chu loh theih lohna in min la rawn nang chho tho tho turah ngai ila tih chu kan chho zel dan tur chu niawm tak a ni. Nu leh pa hianin an fate reng reng School ah hemi Plus two kan tihah hian hnimluh an duh a, Uniform te nen a discipline hnuaiia kaltir hi an duh a. Kan sum leh pain a leh tlin loh avangin kan la ti theilo mai chauh a ni.

....349/-

Tin, Matric pass dan awlsam
zawk, tih awlsam dan zawk a tih a kha keini pawhin kan
ngaihtuah a. Hei hi tunlai hian a in tai mek a, chanchinbu
ah te khan kan member zahawm tak tak ten kan chhiar ka
ring hlawn a. CBSE phei chuan grading system a kal tawh
mai hi a tha lawm ni ? an ti a. A grade system a kal dawn
chuan ABCD tikhan a kal chho mai dawn a, fail pawh kha
an awm tawh hran dawn lo a ni. Matric fail hi an awm tawh
dawn lo a ni. Khami anga kal chuan. Chumi avang chuan
Delhi phei saw chuan, Delhi Administration saw chuan hei
hi a tha dawn em ni ? tiin Board hran din hial an tum a.
A buaithlak khawp mai a. Khami kal inthial mek a kha kei-
ni pawhin kan lo thlir vek a. A Grading System anih chuan
3rd Division kan tih ang chi te kha C Grade lo ni tase,
D-Grade kan tih anga kha chu failed kan tih ang kha a mi
mai thei a ni. Anih loh leh Simple passed kan tih ang te;
khatiang ang khan a Grade nei reng reng a kha lo ni tase,
College a Admission tur a kha a hranpaw written test
a ngai dawn a ni te an ti a. Mithiam, prominent citizen
te leh Educationist ten khata an reaction te pawh kha a
ngaihnawm em em a ni. Chutiang ang ah chuan kan awm mek
a. Engpawh nisela, dropped out tam tak awmna leh hemi
tleirawl nun thalo ten a delinquency lo tanna te pawh hi
Matric an pass loh te pawh hi arin thei ang tih ka ring
a. Tichuan, Mathematics leh hemi Science bik chungchang
hi a stumbling block anih reng dawn chuan a alternative
siam te a tha lawm ni ? tihte thlengin kan ngaihtuah a.
Curriculum development ah khan hei hi ngaihtuahna ah a
kal mek a. Tunah hian thutlukna kan la siamfel lova.

Tin, Pu Speaker, hnanniah khan
he House ah kan Member zahawm tak Phuldungsei bialtuin
a pawlthum pass lo zirtirtu pakhat Chhipuia awm ang leh,
Primary School a an fail deuh vek mai thin niawm anga
tarlan awm a kha, House kha hriattir anih avangin, kan
han bawhzui nghal a, khami hming kha
Lalthlania ni a, a pa chu Lalchhuma College Veng a awm a
nia. Chhipuia hian zirtirtuah 1998 khan a post a hi tuna
Chhipui bikah hi chuan dah a ni a. A laka hi chuan 1983,
khatih laa Sorkarutena pre-primary zirtirtu atan a lak
kha a ni a. Tin, amah hi pawl thum chu a lo pass a, pawl
riat pawh a lo passa ni. 1978 khan Central High School
atangin a pass a, a pian kum chu March, 15.1952 a ni a,
tin amah hian 1989 khan zirtirtu training DIET ah khian
tha takin a pass bawka, tin, an result chungchangah
chuan 1998 ah khan 6 in an exam a, 5 in an pass a, 1999
ah khan an per cent in an pass a ni. An record neih danah
chuan member zahawm takin a a hriat kha, a hriatdan leh kan
report a inmil lova, a dik zawk a hria a nih chuanin, a ni
pawh a lo chhuifiah theih zel ang chu. Ka lawm e.

S P E A K E R

: Ngawi rawh aw, kha, kan Question
Hour a tawp rawh e. Darkar khat
hman turin darkar khat leh mi-
nite 25 lai kan hman tawh a.

....350/-

Kan vawin Private member resolution ni a ni a. Bulletin Part-II Serial No. 84 ni 5 thla 4 a information kan rawn pek tawh ang khanin, a in dawtin kan la chho ang a. Tunah chuan Fu Lalthan Kunga Resolution kan la ang a. A kim-chang thei ang. A tawi thei angin rawn move a tum ang a, kim tak siin, chumi hnuah chuan kan sawiho ang a. Kan sawihonaah erawh chuan hun memberte kan inpek dan pang-ngai ang khan minute 10 zel kan in pe ang a. Tunah chuan Fu Lalthan Kunga, a Resolution move turin i lo sawm ang.

FU LALTHAN KUNGA : Fu Speaker, ka lawm e. Hei ka Private Resolution hi Fu Speaker, "Sixth Schedule Para 20 Sub-Para(1) a Tribal Area tarlan tak pathumnaah hian Mizoram pumpui dah lut leh turin Central Sorkarah siam that dil, Amendment dil ni rawhse", tih a ni a. Fu Speaker, a hmasa bera kan sawi duh chu Private Resolution tih takah keima mimal duh ang taka, he thil hi thil pawimawh tak hia ka briat avanga rawn pulut ka ni a. Chuvang chuanin Legislator kalkhawm zawng zawngte hian keimahni mimal ngaihdan leh duh dan ang taka kan ngaihtuahna te kan sawi chhuah hun ni thei sela, tha ka ti a.

Ruling party emaw opposition emaw kha vawinniah hianin awm lo sela, tiin ka rawn neutral duh a ni. A chhan chu he thil hi hnam thil a ni a, a thatna a awm thei a, a that lohna te pawh a awm thei a. Khangah khan kan Legislator mi thiam tak tak te leh kei a aia thil chinchang thui tak lo hre tawh tuten in han sawichho turah ka ngai a. Chungah chuan tha kan tih tlan chuan he Resolution hi kaltlang turin ka duh a, ka'n pulut phawt mai chu a ni a. Tin, he Resolution hian kaihnawih pawh hi a ngah fu dawn a ni tih pawh ka suangtuahna ah chuan a awm a ni. Engpawh nise, chung a kaihnawih theih thil tur pawh chu kan sawichhohna eng atangin thil thalo zawk turte a lo nih chuan House in a a ngaihdan ang ang khan a tlu turah te pawh ka'n ngai a. Chuvangin, ka khauh run lem lo tihte pawh kha ka'n sawi tel nghal duh nghe nghe a.

Mizoram hi tunhma chuan Autonomous District Council nein Assam hun laiah khan inhung bikna te pawh fel tak nein kan awm a ni. Amaherawhchu, 1971 North Eastern Re-organisation Act hnuah Union Territory Amendment Act, 1971 (Act No.83) ah khanin Aizawl District leh Lunglei District undivided a hi Tribal Area ah dah a lo nita lova. Chutak chu kha khan eng eng thil te nge a la rawn nghawng chhoh tur tih kha ngaihtuah naah hian a awm reuh reuh reng a ni a. Tichuan, a History a hi a thui ang reng viau a. Vawin niah ka sawi vek pawh a ngai lutukin ka ring lova. Ni 29.4.1974 hma lamah kha chuan Sixth Scheduled to the Constitution Para 20-na ah hian. Mizo District tuna Mizoram pumpui hi Tribal Area a la ni a.

Tin, North Eastern Re-organisation Act 1971 Act No.81 ah pawh khan Schedule 8-na ah khan dah a la ni a. Mahse, Union Territory Amendment Act a lo awm ah khan he Aizawl District leh Lunglei District a hi paih a lo ni a ni. Chuvangin Tribal Area ni lovah kan lo awm ta a, Tribal kan nihna hi chu a bo chuang lo a ni. India constitution leh President of India pawhin a humhalhna kha chu a la siam a, Schedule dang dangah te pawh kan hmuin ka ring. Vawin a ka sawi duh chu he Schedule Area a awm lova. Tribal Area Aizawl leh Lunglei District kan lo awm ta lo te hian thang tharte tan a harsatna leh hamin hungna te pawh a sadai nasa takin an rawn thiat dawn a. A kawng ka a rawn in hawng dawn a ni tiin 1985, 1986 velah Pu Speaker, nangmah ngei pawh he House ah hian nasa takin i lo au-pui tawh tih ka hria a ni. Tuna Tribal Area a kan awm lohna in a Mizo mipuite tan harsatna a rawn thlen tur hi vawin niah rawn lang nghal lo mahse, zawi zawi in a rawn lang dawn a ni. Dan lampang lo chhut mite chuan in hre tawh a ni tih pawh ka hria a ni. Nangmah ngei pawhin ilo au chhuahpui tawh anih avangin Pu Speaker, i Chairna hnuai-a kan han sawiho tur hi a lawmawm hlein ka hria.

Kum 10 chuang daih mai lo liam tawh mah sela, vawin ni-ah he thil hi a pawimawhna a la pangngai reng niin ka hria a. Chuvang chuanin Sap-ho in a min awp lai hunah khian kan hriat theuh angin Schedule District ah 1874-ah khan min siam a, chu chu Government of India Act, 1919 khanin excluded area-ah min han dah chho ta a, chumi inhumhim chhoh zelna atan chuanin Government of India Act, 1935 khan min hum chho ta a. Chu chu Government of India Act, 1935 a chu 6th Schedule in a a rawn ken chhoh tak tuna India Constitution in a keini tlangmite min humhlahna tur atana a rawn buatsaih chhoh a hi ni a ni tih pawh kan hre theuh a ni. Chutiang ang taka kan inhumhalh na kan hnam inhungna pawnlam ami te pawh in a min chim rala, engemaw Economics emaw thil chi hrang hrangah te pawh assimilation laka kan lo inhumhimna tur atana kan Dan tha a bupui ber mai min han thiah sak atang hian vawin nia Mizoram thangthar fa te dinhmun ture hi chu a ngaihtuah awm tan deuh a ni lawm ni ? tiin ka ngaihtuahna a awm a. Tichuan, kan en vang vang a, hemi Constitution a thil lo in ziak ah hianin hemi Schedule three ah hianin a Part III na-ah hianin, Chakma District leh Lakher District leh Lai District chauh kha a lo lang ta a. Chuti anih chuanin automatically in Aizawl District leh Lunglei District chu he Sixth Schedule lak atang hian thil hian theh chhuahin a lo awm ta a ni tih a lang a. Hnun thenkhat ah khan Governor of Mizoram in emaw, State Governor in kang thil thenkhat a kha chu a ti danglam thei tho alawm ti a ngaihdan te pawh a awm a, lehkhabu-ah te pawh thenkhat te chuan an rawn ziak tawh a. Amah-erawhchu vawin ni-ah hian Pu Speaker, khami Schedule pumpui amendment clause 21-na, Constitution a Sixth Schedule clause 21-na, amendment of the Scheduled tih ah khan Parliament chauh lo chuan hei hi a amend thin mai lo ani tih kan hmu a. A chhan chu Parliamentary Enactment hmang a he Scheduled Area atanga a tih danglama kan lo awm avangin Parliament Enactment hmang vek a tih danglam leh a mih loh chuan vawin ni ah Governor in hetah hian thuneihna a nei mai lo ani tih pawh kan sawi Chiang hmasa duh nghe nghe ani. ...352/-

Onung chuan he thil hi Central Sorkarah tidanglam leh tura, a ngai anga, dah leh tura zuk nawr a pawimawh niin ka hria a, tuman ka hre vek seng lo ang a, amaherawhchu, ka'n hriat lar deuh deuh thenkhat Tribal Area a kan awm loh avang leh hemi Scheduled Area atanga lak chhuah kan han nih tak avanga thil pawl tak tak lo awm thei tur a te chu, a hmasa berah chuan tun atanga reivak loah hian Income Tax pawh hi Central India hian Mizoram ah hian arawn imposed ve mai thei ta tlat a ni. Chumi kawngka chu a inhawng sa vek a, amaherawhchu, in hriathiamna avangin vawin niah kha Income Tax kha kan la pe lo chauh a ni a. He Income Tax hi pe dawn ta ngat ila, kan Sorkar hnathawk zawng zawng te hian kumtin a sing bi tak meuh meuhin Income Tax hi an pe dawn a ni. Tribal an nih avangin an awl thei reng reng lo. Mizo Officer te ngei pawh Tribal an ni a, Tribal an nihna a bo hauh lova, Delhi tlang leh India State dang a an awm reng reng chuan Income Tax hi an pe vek a ni. Amaherawhchu, Tribal Area an rawn luh veleh khan he Income Tax lakah hian humhimin an awm thei chauh a ni a. Chumi kanin humhimna ber chu min thiat sak tawh si chuan tuna tanga hla vak lovah chuan heng thilah hianin tluk luh ve mai theihna dinmun a in hawng tawh a ni tih hi kan hriatchian a pawimawh viauin ka hria a ni.

Tin, chulovah chuanin heng kan Stamp Act te pawh hi Mizoram Revenue tihpunna tur emaw tiin kan Sorkar hmasate khanin an lo phalsak ringawt mai a. Heng Stamp Act te pawh hi Schedule Tribe Certificate lakna tur atan Rs. 14/- Stamp Act ah khan an bel a ngai tawh a, an dilna ringawtah pawh. Chumi Revenue zawng zawng chu Calcutta ah kuanin West Bengal ah kuanin a tla thla fai vek. Mizoramah a chambang pakhatmah a awm miah lo a ni. Chuvang chuanin heng phurrit hianin tunah hianin min rawn nang tan ta a. Harsatna tam tak Mizo fate tan a rawn thlen tan mek a ni tih te pawh hi kan hriat a thain ka hria a. Tichuanin kan hriat angin Forest chungchang thua te pawh kan concurrent list ah te a rawn dah ta a. Tah chuanin Autonomous Region kan lo nih tawh siloh avang khan khami hnuaiah khan kan zu lut lo thei silova. Concurrent list a a lo awm tawh reng rengin a tlangpui thuin State hianin Central hi kan ngamlo tlangpui deuh vek zel a ni. Chuta tanga lo kalah chuanin Forest Official a te pawh kha a Ministry tan pawh duh duh a Direction pek ngawt theih lohna lai kha a lo awm tan ta a. Chuvang chuan kan ram leilung leh ngaw ngeiah te pawh harsatna vawin niah hian kan tawk dawn tan ta a. Hei hi kan hriat chian a pawimawh viauin ka ring tlat a ni. Chuvang chuan heng thil ang zawng zawng te zawite tein tikhan India Sorkar dan hnuaia anihna ang tak a kan luh theihna turin a rawn kalchho hret hret tan ta a. Amaherawhchu, vawil leh khatah langsar tak chuan min rawn tidanglam mai ngam lo a ni. Kha kha kan hriat chian a pawimawh viauin ka ring a ni.

Tichuan Non-Tribal Trading

Regulation te pawh kan siam thei ta lova, tunah hian, Trading Regulation erawh chu kan siam thei a. Chu Trading Regulation a a provision kan dah duh reng reng, keimahni hnam inhumhalhna tling tura chu President of India khuan assent a pe dawn lo, "Does not arise" tih lianpui a ziak zel dawn tih hi vawiinniah hian ka sawi duh a ni. Chuti anih chuan Mizoram hi Trading Regulation nei lovin kan awm reng mai dawn em ni ang ? tih te hi ngaihtuahnaah a awm thei ta a ni. Keimahni hnam in humhalhna tling tur siam kan duh si a, kan siam dawn a a provision kan thun luh dawn khan "Does not arise" tih kha lianpuiin a lo awm nghal zel dawn a ni tlat mai a ni. Chuvang chuanin kan hnam in hungna sadai thiat zawnga, kan U.T. thami Bill a kha vawiinniah hian Mizopa tan a tha tawk lo a ni, tih hi ka sawi duh a ni.

Sixth Schedule a kan awm dawn

pawh khan, ka hriatna a fankim vak lo na a, Advisory Council, mipuite ngaihdan laknaah khan kan aiawhin member te kan tir anih kha. Mipui ngaihdana kha Sorkarin a la a ni Amaherawhchu, Mizoram (Aizawl leh Lunglei District) Scheduled Tribe Area anihna pah anih dawn khan engvangin nge kan ngaihdan la lova, he dan hi min chumchilh a. Khatiang anga, mipui a nawlpui engmah a awmzia pawh hrelo te vawiinniah hian dinhmun hlauhawm tak a, min lo hlan luh tak mai tih te pawh hi ka ngaihtuahna ah a awm a ni. Engpawh nisela, kan hruaitu hmasa te pawhin thil fel tak leh kha thil in a a rawn nghawng chhuah tur thil te pawh kha chiang kuang takin an lo zir hmanlo te pawh a ni mai thei a. Kan dem lutuk lo nisela.

Tin, chumi hnuaah te pawh Sorkar

a lo ding chhova, U.T. ah te pawh Ministry kan han siam a. Tin, State ah te pawh kan han siam a, kan zavaiin keimahni a MNF-party te ngei pawh chung zawng zawng ah chuan heng danin a, kan ram leh hnam tan a, nakina harsatna a rawn siam chhuah theih tur zawng zawng a hi chu, kan hretawk lo deuh em ni ang te ka ti a ni. Nge kan hre tawk a, hetiang ang tak te pawh hian awmsa tha kan ti zawk tih te pawh kha, vaviin niah hian ka ngaihtuahna ah a awm a, engpawh nisela, hetiang ang thil Zofate tan a nakin zelah pawh harsatna min la rawn siam theih tur thil te vawiinniah hian he Tribal Area atanga kan chhuahna atanga lo awm thei tur nia ka hriat avangin hlauhthawna keima mimal ah kalo nei ve a, chu chuanin he Resolution hi mi rawn putuh tir a ni a. Pu Speaker, ka hriat dan a sual loh chuan hemi District Council pathuam Tribal Area a, Constitution pawhin a a duan ngeiah te hianin hnam hming ni lemlo te pawhin tunah hianin Tripura District Council Area tih te pawh khumi Tripura Tribal Area khu Tribal Area ah hian puan a ni a, Tripura a Tribal Area, Tripura Tribal amite chenna ram tih a ni mai a. Kha kha Tripura hnam hming a ni e tih a ni lova, heng te pawh hi a hnam hming kher kher hi chuan vaviin nia kan dah zui zel pawh a tulin ka hre lova. Tin, North Cachar Hill District tih te pawh khu a dik tak Tribal mi an in chawhpawh nuaih a ni a. Chuvangin hnam hming in an dah chuang lova, Lai District, Chakma District tih te Mara

District han tih te pawh Pu Speaker, hnam hming khera a lo kal hian hnam intih bingna te pawh in a kal thei lek lek a. Hmar te pawhin an duh anga, paihte te pawhin an duh ang a, Ralte te pawhin an la duh ang a, Lushei te pawhin cheng ngei Bru hnam te pawhin an duh theih hun a la awm a, Khatiang hawi zawnga a hnam hming anga kan ram inthendarh na leh politics kal zel pawh thlir a ngaihtuahna thui tak kan neih te pawh hi a tha mai awm mang e ka ti a, kan opposition leader zahawm tak ina resolution a rawn putluh ah te pawh khanin Chakma District Council hi thiah hi rawh se, han tih te pawh kha, ka ngaihtuahna ah chuan in khangah te pawh khan Chakma han tih hrim hrim mai pawh kha a relevant lohna lai thil tam tak a awmin ka hria a. Chuvang chuanin he Resolution hi kan passed duh kan lo pass anih tak pawh a hnam hming kher khera District zuk dah phei chu Pu Speaker, a tul ka ti miah love, hei tunah pawhia constitution ngei chuungah te hnam hming tel lovin khami Tribal Area a kha helaliah hian dah luh an ni tho a ni a. Chutiang ang tak a thil lo kal anih avang leh khasi and Taintia Hills te khu keini aia tlema lo fing zawkte pawh ina State an han nih a. Autonomous District Council an nihna provision zawng zawnga kha an lo chhawm nung a, Shillong Bazar Area zimte tih chauh loh kha chu Tribal Area ah an dah ta vek a ni a. Chuvang chuan an ram leh an hnam humhalhna tur atana provision pawimawh ah kha chuan an lo Chiang Hmasa zawk a ni mai lawng maw te pawh ka ti a. Vawinniah hian. Keini ina hetia kan han sah ta huk a, hetia kan han awm a hi thawk leh khatah tunhmaa kan awmdan phung pangngai te atanga danglam lutuk a, Central Sorkarin min han dah nghal, duhlo rih mah sela, engtik niah emaw chuan India ram luipui ah chuan mite awmdan pangngai angin kan la luanglut tho tho dawn tih hi Chiang takin he thil hian a kawh phak a, ka hriat avangin he resolution a hi ka rawn move a ni e. Pu Speaker, ka lawm e.

PU J. LALTHANGLIANA : Pu Speaker, hun kha minute 10
aw kan neih ? Nia a lawmawm
e. Thusawi tur hi helam atang
hian han melh kual deuh thin

la, i hmalam amite Khan an chang hma deuh riau thin a.
Hei kan chang hma hlauhva, a lawmawm e. Member zahawm tak
Pu Lalthankunga Resolution putluh hi Mizoram pumpui hi
6th Schedule hnuaiah dah leh ni rawh se, tih ang deuhin
Central sorkar-ah dil ni rawh se, tih a ni a. Hei hi a
lawmawm ka han ti em em knawpa. MNF leh MPC -ina inthlan
dawn mipuite hnena kan inzawrhna political tih ah khan
No.6-na ah hei hi a chuang nghe nghe a ni.

Kan thawhho lai leh kan thawh-
hona tawp hunah pawh hian kan election manifesto intawm
kha kan bawhzui lo hle in ka hria a. Vawin ni ah chuan
hei muanawm takin khata political No.6-na mipui hnenah
kan inzawrhna kan election manifesto kha sawiho pui tur-
in pass pui turin min han sawma.

Member zahawm tak khan a sawi
lana kan chhinchhiah chu tah hian an hotute a rawn lem
lova, a mimal ngaihdan leh tha tih dan a rawn ti mai a
ni a ti a. Khalam te pawh min rawn ti a, a pute kha chu
rawn ta se chu an phal lo ve mai awm mange, ka ti a,
pute rawn lovin a ngaihdan tlang takin tha takin a rawn
ti a, a lawmawm hle a ni. Sawi tur tam tak kan hotuten
an nei a, kan sawi duh chu, hei engemaw transitional
period U.T. kan nih dawn a kan ram buai lai khan Tribal
area kan nihna kha hlih a ni a, Hemi chungchangah hian
tumah kan hotu hlui te dem ngai pawhin ka hre lo, thil
hriat famkim hi a harsa em em a, hei India constitution
pa kan tih mai Dr. Ambedkara te ngei pawh hian constitution
an han siam a, vawi 60,70 amend a ngai a ni. Hun lo kal z
zelah hian tih tawh a tha lo lai siam that tul a awm a,
a tha lo lai pah ngai te a awm a. Chuvangin tumah indem
tur pawh kan awm lova, a hun takah hei kan ngaihtuah
dawn niin ka hria a, lawmawm ka ti.

Ka han sawi duh lai tak a chu,
hei hi thil tih theih em em a ni tih hi kan ruling party
te khan hria se ka duh a. Tripura te kha resolution nei-
tute khan an rawn sawi nual. Tripura-ah khuan Tribal-ho
chenna khu 6th schedule hnuaiah dah ni reng reng lovin
State an nei a ni, Tichuan, District Council an duh ve
a, an nawr ve a, tlang mite khuan. A nawr tu te pawh
TNV ho an ni a, TNV chu kan hria anga, MNF unaute lo luh
hnu-a lo lut ve mai an ni a, Tichuan, a tirah chuan Dis-
trict Council an pek kha 6th schedule hnuaiah hian a ni
miah lova, chuan an nawr ngar ngar a. Tunah khu chuan

Tripura Tribal Autonomous District Council 6th schedule hnuaiah hian an nei ta a ni. Chuvangin hei hi thil tih harsa vak a ni lo, thil hupnurhawm tak pawh a ni lovang. Thil tul em em a tulzia chu a move tuin a rawn sawi a, chuvangin vawiin ah hian lungrual taka kan pass a, lungrual taka Central-a kan tih chuan thil tih harsa niin ka ring tlat lo. Chuvang chuan lawmawm ka ti a. Tripura Tribal te pawh 6th schedule hnuaiawm ngai reng reng lo engengemaw han nawr deuh hleka an neih mai theih hi chu keini chuan State ina, anni pheih chu State-ah khuan MLA 60 an neih ah khuan 19 schedule Tribal tana tih ve chauh a ni a. Chutah pawh chuan tlem te chauh an tling thei a ni. Chuvang chuan anni chu State sorkarin an ti a ni vak lo, Tribal te nawr avanga tih mai a ni a. State pumpui kan han pass pheih chuan, kan rorelna zahawm tak ina lungrual taka kan pass pheih chuan hei hi t thil tih mai theih a niin ka ring a ni. Kan sawina hi a rei tawh a, tih tak taka nawrna hi a la tam vak lovin ka hria. Hemi hi kan hriat theuh angin Mizoramah hian 6th schedule Tribal area hnuaiawm kan nei a, chhim lama District Council 3 te saw an ni a. Aizawl leh Lunglei District hi Tribal area a puan kan ni ta lova. Kan mover-in a sawi ang khan hlauthawng takin kan awm dep dep reng a, hetiangka kan awm reng chuan harsatna kan la tawh thei ang, 6th schedule hnuaiawm kan inhung bikna zawng zawng kan neih tak lovah chuan kan hmaah harsatna a awm mai ang tih hlauthawng rengin kan awm a ni. Chumi rilru-a hre reng chung chuan MNF leh MPC te kan thawh ho dawn khan uluk deuha ngaihtuah tlangin hei hi, "Hawh teh u, i dah teh ang, political tihah hian a pawimawh em mai" kan ti a. Vawiin niah sawihona hun remchang tak kan nei a ni. Ka sawi leh duh chu hei hian Tribal Area kan nih leh tak hian Mizoram ah hian kan ram chhunga awm te tan inpumkhataa min thlenin ka ring a, ka hriat sual loh chuan Lunglei lam pheih chu an lungawi loh chang chuan District Council neih nawr ve mai tur em ni te an ti fiamthu thin an ti a. Heng te hi an rilru-ah a awm a nih pheih chuan a bo tawh anga.

Tin, hemi District pahnih chhunga tlangmi chi hrang hrang awm te pawh a remchan ang zelin sorkarin tha takin ro a rel anga, a remchan ang zelin Autonomous District Council a tul leh kan pe thei anga, a tul loh leh tihian kan awm thei anga, hei hi thil tul tak a ni. Kan hmalawkah Meghalaya ten State an nei a, anni chu an fing nge an tifuh ka hrethiam lo, mover khan a sawi tawh a. Khasi ten District Council an nei hran a, Garo te, Jaintia ten an nei hran a. Tikhan District Council hnuaiah an awm a, tin, hei hi District Council hi kan nei duh a nih pawhin thil sual em ni ang ka ti a. Aizawl District leh Lunglei District-ah District Council kan siam duh a nih pawhin thil sual engnge awm ang ka ti a, a chhan chu politician te tan accomodation hmun awm theihna te pawh a lo awm ang. Entirnan, District Council-ah chuan engngemaw, political party tam tak a lo

awm ve theih a, thuneihna te pawh a in sem rual theih a, tikhan kan thawhhona-ah pawh hian thil tha zawk a thlen theih ka beisei a. Chuvang chuan MPC party phei chuan hman kumah 1982-ah Prime Minister Indira Gandhi hnenah Memorandum kan theh lut a, Sixth Schedule hnuaiia awm leh hi kan duh e Mizoram hi, kan lungrualna leh kan that zawkna a ni ange kan ti a. Chuvang chuan hei hi chu ka thinlung tak takin ka thlawp a, a that pawh ka ring a. Keimaha ka ngaihtuah vang vang pawh hian a that hi ka ring a. Mizorama cheng te hi kan him zawk nan India ram inpumkhatna tiderthawng zawng a ni reng reng lova, India ram chungah hian a mi chengte lungawi taka kan awm chuan kan inpumkhat tha a ni mai a. Chuvang chuan he resolution hi lungrual taka kan pass a kan tih theih chuan India ram tan a thatna a awm anga, Mizorama chengten Mizo te leh Mizo lo deuh hleka in ngai tan pawh hemi hnuah hian kan zavaiin kan hlim bawk anga, hemi awm lo hi chuan. Entirnan, kan sawi duh chu ILP hi a him viau emaw kan tih lai hian a him loh dan hi a awm a. Bangladesh Chittagong Hill Tracts ah khuan ILP hi an nei ve a, kan neih ang tho hian Independence dawn khan an nei ve a ni a. Mahse, ILP-ah chuan D.C. a ni mai a, Legislative Assembly te a awm loh avangin D.C. a ni mai a. D.C. te kha an lo Liberal chuan an lut an lut mai a, tunah chuan hnam dang an tam ta em em mai a. Chakma ho pawh kha chumi avangin hnam dang chimral an hlah avangin an lungawi ta lo a ni an ti a. Chuvangin ILP neih te pawh hi hman rual theih, hemi 6th schedule hnuaiia a nih loh hi chuan hmanrual theih chang pawh hi a awm a ni. ILP kan nei a tha e, hemi bakah hian Mizorama chengte kan him theih-na tur hian Tribal area-ah Mizoram pumpui kan zavaia kan awm tiana lungawi taka Mizoram chunga chengte hi kan awm chuan India ram tan leh Mizoram tan a tha a ni. Pu Speaker, private resolution Pu Lalthankunga member zahawm tak in a rawn putluh hi kan hotute ngaihdan ka zawt bik miah lo, keimah mimal hian tha ka ti em em a ni tih kha ka han sawi duh a ni. Ka lawm e.

PU ZAKHU HLYCHHO : Pu Speaker, ka lawm e. He Resolution hi ka han chhiar nawn thin a a tum hi hriat ma harin ka hria. A Resolution thehluh ah hian a ngaihtuah kim lo emaw ni chu aw ka ti a, 6th schedule Para 20 Sub-para I-a Tribal Area tarlan Part III-ah hian Mizoram pumpui hi dah lut turin Central sorkarah siam that dil ni rawh se a ti a. Mizorama hmun thenkhat he 6th schedule para 20-ah hian heng Lai, Mara leh Chakma Area te hi schedule Area a ni ang tiin a lo puang tawh a. Chuvangin, Mizoram pumpui dah tura zuk tih khan khami a awm tawh sa kha kan zuk that dawn em ni tih kha min ngaihtuah tir a ni. A move tu move-ah phei chuan a awm tawh sa tan kha chuan a thlaphan awm viauva. He-tianga hnam hminga Council awm te hi kan inpumkhatna ti-

chhetu a ni a. Hengte hi chu awm lo se ti lam deuh te khan a rawn move leh nghal a. Chuvangin, a Resolution hrim hrim hian a tum hi a thelh a ni lo maw ka ti a, tunah hian Mizoramah tun hma-a Chhimpui-pui kan tih thin a kha chu Schedule Area-ah a dah reng a. Lunglei leh Aizawl undivided kha Schedule Area-ah a dah lo mai a ni. Sixth schedule para 20-a Tribal Area tarlan Part III-ah hian Lunglei leh Aizawl Area hi dah ve ni rawh se rawn ti sela chuan tha in ka hria. Chutizawng ni lova a Mizoram pumpui a rawn huap takah chuan thil ngaihtuah a ti tam deuh a niin ka hria a.

Pu Speaker, ka sawi duh chu 1952-ah Lusei tan Lushai Hills D/C pek a ni a, chu Lushai Hills D/C chu Mizo D.C-a thlak a ni a, chu Mizo D.C chu 1971, N.E Area Re-Organisation Act-ah Khan U.T-ah dah a lo ni ta a. Chumi hnu ah 1986 Mizoram State Act 34-na khan tun hma Lushai Hills D.C kha Mizoram State-ah a rawn hlang chho ta a. Chuvangin khami nikhat ah khan political status hrang hrang rawn kal chho in a rawn kal tlang a, D.C atangin U.T-ah, U.T atangin State-ah a ni ta a. 6th schedule-ah mai ni tawh lovin.

Tin, Schedule I Para 23-na kan en chuan Mizoram chu India ram schedule I-na, 23-na-ah ziah lam a ni ta a, tun hma kan awm ngai lohna-ah khan tun hma chuan 6th schedule-ah kan awm a, tunah chuan schedule I-ah, India nampui te zingah ziah tel kan lo ni ta a ni. Tunah hian Mizoram pumpui hi 6th schedule-ah min khung leh a ni ti ta ila, schedule I ah khan min thai chhe leh ru kan ti dawn em ni ang ? Chuvangin schedule I-a sawk si, 6th schedule a awm sawk si kha a dik thei dawn em ni tih kha ka sawi duh a. Kei chu constitutional expert ka ni lova, ka hmuh dan ka sawi ve mai a ni a. Ka han sawi leh duh chu Meghalaya khu 6th schedule-ah a lang thei tawh lova, a chhan chu schedule I-ah a lang tawh a ni. Mahse, Garo te, Jaintia te, Khasi hnam te erawh chu Meghalaya ni lovin, Khasi, Garo hnam te a nihna angin 6th schedule, Para 20 Table II kan en chuan Khasi te, Garo te, Jaintia te an lang a ni. Meghalaya kha a lang thei lo. Chuvangin Mizoram pumpui kha, hetah schedule I-ah awm si chuan, Sixth schedule-a khung leh hi a rem thei tlatin ka ring lo a ni. Chuvangin, a resolution hian a tum a thelh deuh a ni lo maw ? a tum chu tha viau mahsela tih kha kan sawi duh a.

Tin, Pu Speaker, Tripura pawh khu dik chiah chuan, Tripura State-a kha schedule I-a ziah lan a nih tawh vangin Tribal Area chauh kha Tripura ah chuan Tribal Area a ni. Tin, Sixth schedule 20 Para II (a)-ah khan a rawn lang chauh a ni a, Tripura ram pumpui kha a lang thei lo. Chuvangin, Mizoram pumpui lang tura tih hi chu a dikin ka ring lo deuhva.

Tin, chulovah chuan, hemi Part III-ah hian Mizoram tih han dah dawn ila, chu Mizoram chu State- a lo ni tawh si a, engtin nge ni state ni tawh kha, D/C ho awmna Sixth schedule-ah chuan kan khung theih tawh ang. Dik chiah chuan, kan sawi ve thin dan chuan 6th schedule hi chu India constitution pawn dah a ni kan ti thin a, a dik pawh a dik ang. India constitution thlak tur chuan 2/3 a ngai a, Sixth schedule han tidanglam tur hi chuanin simple majority-in a tih danglam theih a ni. Chuvangin, India constitution pawn dah kan ti a ni. Mizoram hi India constitution puiah kan lut tawh a ni. Chutah a Para-a a dan te ah hian min khung lut leh rawh u tih hi chu thil tih chi a ni dawn em ni tih hi keima mimal ngaih-dan, ka thiante ho ngaih-dan phei chu ka hre lova, ka mimal ngaih-dan a ni a. Chuvangin, he Resolution hi a tum chu tha viau mahsela, a dik thei dawn em ni ?

Tin, State pakhat si hnamkhat si District Council duh bawh state duh bawh, District Council thuneihna leh engkim enjoy duh bawh state thuneihna duh bawh, hetiang chuan a kal thei dawn em ni ? India sorkarah zuk present dawn sela kan hotute hian engtiang chiahin nge maw an zuk thlen ang le ? A state min pe tawh a kan lawmkhawp mai a, District Council kha kan duh ve leh tho mai a, kha kha min pe leh teh u, min pe tel ve leh mai rawh u an zu ti dawn em ni ? India sorkar ngaih-dan tur pawh ka ngaihtuahin India sorkar pawhin, chu em em chu a, an rawn tih mai hi ka ring. Chuvangin he Resolution hi kei chuan thlawp harsa ka ti a ni.

Ka lawm e.

PU K.L.LIANCHIA :

Pu Speaker, ka lawm e. He thil hi han sawi ve nialnual lo theih niin ka hre lova.

Engpawhnisela, a hmasa bera ka han sawi duh chu tuna ka hma-a sawitu sawi hka a dik na chin a awm a. Amaherawhchu, Mizoram pumpui, hemi Tribal Area-a awm tawh sa te kha chu an awm a ni mai a, abaka kha dah tur ni mai awm tak a ni a. Engapawhchu ni se, he kan joint manifesto-ah hian kan lo ziak tawh a, mipui hnena kan bat a ni a, chuvang chuan keini chu pass lo thei lo dinhmuna dingah ka in ngai a. Chu cnu ka ngaih-dan a chu ka han sawi hmasa mai a ni.

Hei kan hriat theuh angin politics-ah hian kan hnam damna leh thihna hi a awm tak meuh meuh a ni tih chu kan hre theuhvin ka ring a. Hnam kal sualna, ram kal sualna ah chuan mipui kan chiai a, kan rethei a, hnam politics kal fuhna ah chuan, ram a ding chhuak chho a ni tih pawh kan hre vekin ka ring a. Ka hma amiten an sawi tak ang khan keini ram hi, a tir ah Assam tlangram enkawlina tur Sixth schedule-ah lutin,

....360/-

Nagaland te, a tirah chuan Khasi leh Garo Hills te, Mikir Hills te, Keini Mizoram, chutih lai chuan Lushai Hills an tih te ho kha kan awm tlang tham tham a. Dr. Ambedkara ten tlangmi te min ngaihtuah avangin Sixth Schedule min pe a, Sixth Schedule 20-ah Para twenty-ah khan min dah tlang a. Tichuan kan in enkawl a, hei kum 21 kan han in enkawl a, 1950 constitution hman atangin '71-ah U.T-ah kan lut ta a, U.T luh dawn khan politics kha kan buai reng a, kan ram kha ram buai a la ni tlat mai a. Kan politics kalphung khan limit tawpchin nei tlat, kan duh ang zawng zawng sawi theihna dinhmuna ding kan ni. Mahse, chutichung pawhin kan theih china kan seh pawh khan, nichina a hmasa bera sawitu Pu J. Lalhangliana khan tumah hi hengah hian ka la fing tawk lova, a lehlama in dem pawh a tha love, a ti a. Party khat mah ni ila, kan ngaihdan inanlohna tlem a awm a nih chu ka ti a. Indem tur niin ka hre tlat a, U.T-a kan luh dawn te khan Mizo Union leh Congress UMPP an ti a, United Mizo Parliamentary Party sorkar lai hun, chiritak a ni a. A changin Congress te an sorkar mal leh a, a changin Mizo Union in sorkarna te a la a.

Chutih hun lai tak chuan '70 inthlan leh atanga khatih laia kan Mizoram political sorkarna latute ngaihdan fumfe loh lai tak mai khalei a kha a process hun lai a ni a. Chuvang chuan dik takin MP pawh State Rajya Sabha-ah kan nei ve tawh a. Helaiah District Council sorkar pawh kan nei ve tawh a, rawn tur kan awm a, rawn theih kan ni a. A dik takin khatih laia kan hruaitute khan mitin an hrilh lo pawh a ni lova, heng thil hlauhawm lo thleng thei hi awm a ni a. Eng-pawhnise, kan ram hi U.T-ah kan lut dawn a nih chuan Kan U.T nih dan tur Bill-ah tal kan siam a nih loh chuan engnge inthup, engnge in ziak kan hre lova, U.T tha mi an rawn ti ringawt a, a tha mi an tihna chu Legislative a nei dawn a ni, tih ringawt kha, A piah lamah engnge inziak tih kha ngaihtuah miah lovin, 'U.T tha mi' an rawn tia. Chutah chuan nasa takin kan inbei a, Mizo Union pawhin an thih phah a, chuti khawp chuan fimkhur tura kan inzirtir chung pawhin, U.T kha a draft tak ngial pawh kha zuk hmu mian lovin an pawm ta ringawt a. 'U.T tha mi' tiin. Thil fun a lo awm a, an pawm ta ringawt a, blind takin an pawm ta a, khata an er ber a chu, Chakma District Council, constitution in chhlar pawhin 'U.T a nih hma a Regional Council lo awm tawh chu District Council a ni ang; tih a ni a. Pahnih kha pathumah an rawn puntir a, chung pawh an hre reng reng lo a ni. Chung pawh chu a fun tel vek a ni. A fun ihe loa, khami packet-a lo pawm mai kan chin avangin kan ram hi a kal sual a ni. Chuvangin khatih laia kan hruaitute kha kei chuan ka dem thin, kan dema sawt tawh lo a ni mai. Mahse, indem tur ka ti tlat, a pawl thui em a nih hi.

Tichuan kan kalta zel a, anmahni an mangang hmasa ber sumdawna dan Trading Regulation an han siam dawn a, an buai a, Central-ah an zuk dil a, khawngaihna Trading by Non-Tribal Regulation Act, 1975 an lo phalsak a. Chu chu kan han hmang chho a, kum 10 atan an rawn ti a, tichuan 1987 thlengin kan hmang thei tur a ni. Chu pawh chu a tha tawk lo wiau nghe nghe a ni. Chuvangin hei sumdawna tunlaia tan kan lakna tur Trading Regulation siam kan tih kan tih a te pawh hi, helai atanga lo kal chho hi a ni. A paw em em a ni, hnam paw an khawih a ni tih hi kan sawi nawn duh hrim hrim a ni. Heng thil hi a awm avangin V/C zawng zawng alawm turin High School tlangah an ko khawm a. Chungte pawh chu kan thinrimin hal tumin kan hel kan hel a. Pathianin rem a ti lo a niang, chuti khawp chuan complaint na a nasa chung pawhin kan hotute pawh khan an pawm tlang ngat a, chung chu kan tuar ta a ni tih hi sawi lehna hun remchang hmasa ber niin ka hria a, kan sawi leh duh a ni.

Tichuan, hun a lo kal zel a, kan ram . rambuai kan lo ni a, kan kal chho zel a, remna kawt te a lo eng dawn a, India sorkar leh MNF underground te inbiakna a lo awmaa. A dikttakin chung ah te chuan kan lo hawi harh tawh a, chung harsatna kan neih te chu kan lo zuk thlen ve thin a. Tichuan, hei politics platform-a kan sawi fo chu- "Chakma District Council pawh hi thiat leh nirawh se" kan ti a. Chungte pawh sa lu rawn hawn tur te kan inkhap daia, kan ti ngam lova, kan chawhsan a, khatih laiah pawh khan kan hotute khan kan MNF present emisaries te khan Draft agreement between the Government of India and the MNF party tih kha min rawn thawn a. Hetah hian a copy ka keng a, chumi zinga tha deuh mai chu No-9-na constitutional an tih No.5-na ah khan an rawn ziak a, chuta an ziah danah chuan Mizorama Legislative Assembly chuan District Council siam theihna leh thiat theih na power to make law for creation or abolition of Autonomous District Council in Mizoram' tih hi an rawn telh tlat mai a. Hetianga kan duh a kan siam a, kan duh a kan thiat theih chuan a tha thlawt alawm kan ti a. "Hei hi resolution min lo pass pui ula, sorkar-ah min lo nawrpui rawh u" tih min rawn pe a. PC kan ni a, kan pe ta renga, resolution pawh kan siam a, kan thawh ve ta reng a ni.

Amaherawhchu, Remna Thuthlung a lo awm a, kan hnam damna tur hi a lo tel leh ta chuang reng reng lo a ani. Chu chu a ni a tobul hi Pu Speaker, kan hun thalai kan silai zawng zawng kan dah a, remna, wawin nia bonus kan dil theihna tura kan rawnin surrender tawh dawn a nih chuan a man kan pe tam lutuk tawh a. Heng hi chu kan neih let leh tur a ni tih kha a va hun em! a va tih theihawm em! khatih lai hun te kha chuan. A bargaining power kha chak tawk

tur niin kan hria a, mahse heng zawng zawngte hi engmah rawn hawn a awm ta reng reng lova. Chutih avang chuan vawiin ni kan thleng ta a, Congress an sorkar a, Tax lak an tum a, chuti, khati, Vai in register ang, Dan siam that a nih hma chuan kan ti a, kan manifesto, joint manifesto 13-na ah hian, chu chiah chu kan han ti ta a. Tichuan Dan siam tha chuang lovin tunah te chuan Tax kan han la leh ta a. Kan inhnial nuaih nuaih a, chung zawng zawng a lo awmna chu schedule area atanga kan chhuah vang hi a ni. Schedule area-ah kan chhuak a, Tax lak te chu a him tawk, force of law, ILP in kan tica, vawiin ni ah chuan, nikum hmasa maiah chuan hei hi kan MNF unau tena ILP a bo mai dawn tih hlauhthawna Mizoram mipui hnena an theh darh a kha a ni a. Bo mai thei tura min zirtirna lehkha kha vawiin ni ah ka rawn keng a. Congress-in lo haw lo se, Bhavana te ho te, Pranab Mukherjee a te, Madhav Prasad te ho tena an thusawi, hei hi kan ram dinmunah hlauhawmah kan awm ta. ILP a bo chuan Mizo tih tur kan awmtawh lo ang tih hi, a bo hlauhawmzia nikum hmasa ah minzirtir a, vawiin ni ah a ngheh zia kan sawi leh ta mai mai a. Chungah chuan vawiinniah kan hnam hi a ding ta mai mai a ni. A langhahna hi a fumfe lo, a dik lo. Chuvang chuan tianga Tribal area kan lo nih ve na, sundawna kawngah te-a Money lending te leh Trade Regulation chungchanga thuneihna tawp min pekna, hemia kan luh leh hi kan hnam damna tak tak chu a ni.

Chuvangin, Pu Speaker, vawiin ni ah hian inpuh chhiatna lam pawh nilovin kal hmasa te thil tih dik lovah hian kan Hnam hi a tang a ni. Kan Hnam damna tur tak tak chu tawng huat thu suh ah, Hnam Run inti bikah hian a lo awm awzawng lo. Chuvang chuan hei hi mipui hma a kan lo intiam tawh ang hian Member zahawm takin a sawi kha a dik tlat a, a ram pumpui dah ni rawh se kan han ti a, a dik tho a ni, a sawi pawh kha a dik tho. Amaherawhchu lo lut tawh sa an awm chuan Mizo lut tawh sa an ni mai a. Undivided Aizawl - Lunglei District te hi schedule Area-ah lut ve rawh se tih a ni mai a. A pumpui a dah tur anih chuan a awmsa chu a ngai lo, a bak kha tihna ah ka ngai a. Chuvangin, ka support a, support chang pawh nilovin, mipui hnenah ka lo inzuar tawh a, ka rawn support anih chu, ka lawm e.

PU AICHHINGA
MINISTER

: Pu Speaker, vawiina kan Resolution hi kan hma a kan Member zahawm takin a sawi ang Khan kan inthlan dawn a MPC

leh MNF in kan Manifesto-a kan lo dah a ni a, vawiin ni ah Resolution a lo luh hian kan pass mai turah kei ka lo ngai a. Fin, a thu pawh hi a pawimawh zia chu tlang hriat, vawiin nia keini ho leh heng kan tual chungah kan mithiam hote leh kan Chamber of Commerce nen a pawimawh ti a khawlai dung pawh a kan sawi tam bef theuh

a ni a, chuvangin, he thu hi a pawimawh ka ti a. Tuna kan awmpung ah hi chuan hmana Eden Huana nunna crown hlu kan hlah kha tih ang deuh a ni a. Hmana kan neih wawiina kan hloh tak a hi kan neih let leh theihna tur in hun kal tawh a thil anih tur anga a lo nih tawh loh na hian he House-ah hian kan pass hrim hrim hi kan tih a ngai a. Central sorkar lama put luh ngai chi thil a ni a, keini ah thuneihna tawp a awm hauh lo tih chu kan hria a. Amaherawhchu he House hian hemi thu pawimawh tak a hi kan pass hrim hrim a hi chu kan mawh tlang niin ka hria a. Central lamin a vawi khata min pass sak thei lo anih pawhin kan nawr zel tur point pawimawh tak niin ka hria a. Tin, he Tribal area kan nih na chungchang thua hian British ina kan ram a awp tirh lai atangin 1887 vel atang leh 1919-ah te 1935 chhovah te India ramawpna British sorkarin a siam chhovah zelah khan ka sawi fuh emaw sawi fuh lo emaw chu thu hran nise, kajhriat danin kan sawi mai dawn a ni a. Khanglai atang tawh khan he keini North Eastern Region a hnam mawl zawk te inhumhalhna tur atana British sorkar ina dan a lo siam Eastern Bengal Frontier Regulation tih te Chin Hills Regulation tih te heng zawng zawng te hmanga min lo humhim tawh thinna dan kal chho zel a kha niin a lang a.

Tin, chumi piah lamah chuan keimahni min humhalh kha British sorkain tha an tih avang in hemi rorelna mai piah lamah Inner Line reserve forest ramngaw chhahpuiin min hung kual vek a ni. Chutiang ang khawpa humhalh ngai nia an hriat hnam te kan ni a, ti-chuan hun a lo kalzel a, India ram Independent a lo nih hnu ah pawh khan Eastern Bengal Frontier Regulation te leh Chin Hill Regulation te, a hnam mawl zawka te min humhalhna dan a kha Sixth schedule-ah hian rawn la chhovin min humhalhna hi an kalpui chho zel niin a lang a. An mi humhalhna Sixth schedule-a pawh hi hun engemaw chung chu kan ram tan pawh hmang chhovin Tribal Area kan ni chho reng thin a. Amaherawhchu, hun lo kal zelah kan ram, rambuai a lo nihna te leh North Eastern Region te siam that chhovah ah khan U.T-ah hlan kai kan lo nih dawn lai khan kan ram hruaituten kan dinmun tur leh Tribal Area kan nihna te a thai chhe dawn a ni tih ngaihtuahna thui tak nei lem lovin; Assembly kan neih ve tur mai a kha U.T thami anga ngai chhovin kha dinmun kha kan lo la chho ta mai a. Indem dawn chuan indem tur a tam ang. Khawhai bialtu sawite pawh kha Khanglai huna thil awm a nih kan hria a. Amaherawhchu, anih nih a lo ni zo ta a, 1986-a inremna thuthlung siam dawn lai pawh khan nichian Khawhai bialtu zahawm tak in a han sawi ang khan Aizawla Emissary office atangin a sawi angin hetiang ang hi kan Demand point te a ni e, a rawn ti a. Hemi min tih sak tur hian Party tin ten theihtawp min rawn chhuah pui teh u, tih pawh kan pe chhuak ta reng a ni. Khatah pawh khan theihtawp chhuahin Party hrang hrang te leh Kohran leh sorkar atang te khan tanpina leh an theih ang tawka tihna kha a awm theih a ni.

Amaherawhchu, khalaiah khan harsatna tak India sorkar nen inbiakna laiah khan, a kal chho ta a. India sorkarin a tanfung bera chu constitution a lo awm tawh sa, inremna thuthlung avang tidanglam tur chuan theihna kan nei lo a ni. Hei hi in phut tlat dawn anih chuan kan inrem loh phah hial a ngai ang tih kha Central sorkar tanna a ni ta a. Kan ramri chungchang thu leh kan Mizoram State-in a huam tur ram han tihah pawh khan, Manipur rama Mizo chenna ram te Tripura-a Mizo chenna ram te Kachara Mizo te chenn thlengin he inremna thuthlung kan signed hma khan inremna point-ah a tel a ni. Chutiang ang chuan inbiakna te kan nei a, innawrna nasa tak kan nei a, inbiakna te pawh a chhum phah ram ram thin khawp khan tan kan la chho a ni. Vawii- in niah hian kan indem tawn khami thil avang khan a tul ka ti lova, sawi pawh ka duh chuang lova, sawi tur tam tak awm mahsela khalam kha chu sawi lo ila. India sorkar kha nghet takin khati zawng khan a tang a, chumi apan tak avang chuan tuna inremna thuthlung kan han neih taknate hi kan nawr chhuah theih lian ber a lo ni ta rih a ni tih ah kal ta ila. Khami ah khan hemi Tribal Area-a khung lehna tur te leh entirnan, Chakma District Council mipuite duh dan ang ni lova, Central sorkarin min barh luih mai a ni tih thlengin nasa tak in khalai inbiakna ah khan kan delegation leader te khan an nawr a ni.

Amaherawhchu, constitution a lo awm tawh, he inremna thuthlung avanga tih danglam anih chuan India sorkar tlawmna a ni dawn a, chuvangin India sorkar hi a tlawm thiang lo a ni tih kha India sorkar tanna a ni tlat a ni. Chuvang chuan kan nawr tlu thei bik lo a ni ti ila tuma zep thu ni lovin tumah dem tur ah ka ngai lo. India sorkar lianpui leh underground-a MNF sorkar leh MNF Party in theihtawp a chhuahna ah khan mipui te duhthusam leh keini pawh in kan duhthusam kha kan nawr tlu thei bik lova. Pu Denga'n a sawi dan takah pawh kan duhthusam a ni lova, India sorkar duhthusam pawh a ni lova, hei hi kan inrem theihna chin a ni ber e tiin a sawi anih kha. Chutiang ang chu a ni a, chuvang chuan he Mizoram pumpui han tih a pawh kha a dik in ka hria a, vawii nia ni mek tawh a te chu a va paih chuang lova, tuna a ni ve ta rih lo, Aizawl District leh Lunglei District-a te hi Tribal Area-ah awm ve leh rawh se tia Resolution lo lut hi kan tih dan tur tak niin ka hria a. Heng hi tel ve lovin va tih tel kher kha a tul in ka hre lova. Mizo vek kan ni a, Mizoram vek a ni a, chubakah Mizoram State hnuai ami vek kan ni. Mizoram State pumpui hi Tribal Area-ah awm leh rawh se kan tihna a ni mai a. Chuvangin Chhimituipui-a kan neihlai mek te, Chakma District Council emaw, Lai District Council emaw Mara District Council emaw kha a chhawk chuang lova. Mizoram pumpui hi Tribal Area-ah awm leh rawh se tih kha a dik in ka hria a. He Resolution-a hi kan za a passed turin vawii niah hian kan in sawm a ni, ka lawm e.

PU C.SANGZUALA : Pu Speaker, ka lawm e. Hei kan thupui hi a har viau-in a tha viau tih ka hria-in ka inhria a. Kan politician te tih turah kan lo dah thin a, chinfel mai a har a nianga, tun hi kan lo thleng a. Hei keini hunah a sawi-tute zingah te kan han tel ve a, a kal sawt zut zut lo anih pawhin, bulan thar na anih theih chuan ngai kan a awn leh theihna turin thil tha tak kan ti ah ka han ngai a. A sawi kawngah hian *ka* sawi ngam lo mai dawn a mi aw! ka ti a, amaherawhchu, ngaih pawimawh ve avang chauhin ka han ding ve a. A tobulte a thui a, tuna kan han ngaihthlak nualte leh kan lo chhlar ve thin ah te, indem loh te pawh a thain ka hria a, amaherawhchu, rilru hahna leh rilru natna avang pawhin han an deuh hlawk hlawk pawh mimalin kan chawr a nia, kei pawh mimalin kan chawr mai a ni a. Ka thiam deuh vek mai bawk a, ka rilrua awm ang ang ka han sawi ve pawp anga.

Tawite in he thilhi hetiang hian lo kalpui chho ta ila, kan pass tur niin ka ring a. Pass lamah ka awn sa a, chuti chung chung chuan, eng-nge ni a practical implication tur ni ang tih te thil hi a complicate viau thei em tih te erawh chu, kan dan thiam mite umzui tur thil tam tak a awmin ka hria a. Chunggho te avang chuan a nih ang ang han tih hian pawl lutuk, hlo harsa chu a awm ka ring lova. Tribal hnam la ni reng, hnaena Mizo hnam la ni reng la danglam hauh lo, Tribal han nih fak loh chu, leilung thuhmun reng si mak ang reng ve tak a nia. Keini laymen political laymen tak tak tan chuan sawithiam pawh hi a har viau in ka hria a ni.

Kaon sawi duh ve lai lam chu, nichiaa Phuldungsei bialtu in a sawi ang khan, a ground, a thatna hai rual loh a awm a, tun hmaa Mizote schedule tribe, Tribal mi kan nihna zalenna kan facilities fam-kim thlaphang hauh lova chang tlang thei tur, kan nihna dinhmun Chiang taka assurance a awm a tih kha a tha niin ka hria a. Kan thlah zelte leh kan chhehvel hnam dang awm kan India pui te nena inkhaikhin hian chu chu ngai hlih hlih in ka hria a.

He thilah hian tanfung tur pawh kan nei viau lawm ni Keimahni lam inrawn tak tak vak lova thil tih a ni a. Chungte pawh chu tanfung the a ni dawn lawm ni ? sawithiam chuan tih te rilru ah chuan a awm a, Tribal hlang hnam khat hlang tak tak kan nih hi chi te te chu hei a dang hlek hlek zel a. Chi hi hnam emaw kan han ti dawn dawn a, a pawl khawpa, hnam khat tak tak kan nih tihna tichiang leh zual tur pawhin hei hi lo tipuitling thei ta ila a tha viau vin ka ring a. Tin, tun thleng hian leh nakin zelah pawh a la ni ang, harstana te te kan tawk chho bawk a, hung bik kan ngaih na hi a reh lawk lovin ka ring a, chungte avang chuan tan hmun tha tak tak kan nei a. Tin, hei a nghawng tur te pawh mithiamten min han sawi en sak a, ka han hriat

ve mai a chu income tax chungchangah te engemaw tunah
hian tute emaw thang harh sela buaithlak tak dinhmuna
ding thei, khanga zalen tlang thei dinhmuna ding tur
te pawh tih a lo ni tih te kan ngaithla a. Tin, hnam
dang sumdawna khuahkhirhna dan kan duh ang tak kan
siam theihna tur te pawh heng hian a hring dawn a ni
tih te kan ngai thla a. Hemi a resolution chungchangah
hian a working tak tak chungchangah hian nichia khan
Saiha bialtu zahawm tak khan a sawi a, hriatthiam a
har viau chung chungin, heta a awm ang ang hian hei
hi thil buai tak a nih loh chuan kal tlang pui kha a
pawi loh rinna kan nei a. Mahse, thiam kan chan leh
zualna ti chiang tur erawh chuan dah lut turin, dah
let leh turin emaw te chu han nise chu kan awmdan hma,
sa kha kan claim leh a ni tih a tichiang deuh hlek mai
thei a. Hengte hi chu kalhmang te te a la tih tur niin
ka ring a, tawngkama working te te han sawi takah chuan
Lunglei District leh Aizawl District undivided ve ve
tiha han particularise deuh pawh kha a tha zawk a ni
mai thei a. Chu chu kan, la hmu chhuak chhovin ka ring a,
tin, hei pawh hi a tha tawk mai thei a.

A hrim hrimah erawh chuan
tumah hi kan zingah a han hnail tur lam an awm ka ring
lova, thil tha tak mai leh kan himna tur leh kan nihna
tur dik tak kan birth-right kha vawin ah hian i lai
chhuak leh ang u, kan manifesto te pawh a lo nibawk a.
Chuvangin vawina tawi te-a ka sawi ve duh chu a har
hle tawh anih pawhin a lo pian danah lungawi vak lohna
te pawh kan nei, chhuanlam tha tak tak kan nei. A
nghawng chhuah tur hi tha tak tak a ni bawk a. Hengah
hian min chulmam sak turin mithiam tak tak kan nei bawk
a. Member zahawm tak Ratu bialtu in resolution a rawn
siam hi pass tlan hi han tih tur tak a ni mai awm mange
tih kha ka sawi ve chak a ni e. Pu Speaker, ka lawm e.

SPEAKER

: Dar 1 a ri dawn chiah a, kan
chawl rih anga, dar 2 ah kan
lut leh dawn a nia.

Meeting adjourned. 1:00 PM.

S P E A K E R : Kan business kan chhunzawm leh mai ang a. Tunge han sawi leh ang le ? Pu C.Thanghluna.

PU C.THANGHLUNA : Pu Speaker, he resolution Pu Lalthankunga, member zah-awm tak resolution hi hetia a nihna ngai ngai a han pass dawn hi chuan a dik tawk awm lo deuh mang e aw tih ngaih-tuahna ka nei a. Hetia 6th Schedule para 20 sub para 1 a tribal area tarlan part. 3-ah hian Mizoram pumpui dah lut turin central sorkarah siamthat amendment dil ni rawh se, tih a ni a. Hetah hian tribal area a zuk dah dan tur a kha, Mizoram pumpui zuk dah dan tur a kha a la tarlang lo tlatin a lang a. Mizoram pumpui tih ang zawng ngawt kha chuan dah remchang lo tak niin a lang a. Indian constitution hi han en vang vang ta ila. A tum ber a hi chu district council nei thei hnamte, chung ho district council neih dan tur ngawt kha Indian constitution 5th schedule hian a rawn thlur a. Tichuan Indian Constitution 6th Schedule para 20 sub para 1-ah hian khang state chhunga district council neite, khami te area chenna kam kha tribal areas tiin a rawn dah a. Chu chu 6th schedule-ah khang ziah luh a ni a. Mizoram efawh chu state a lo nih khang, 1st schedule state ho kha dah vek a ni a. Tichuan Mizoram hi schedule 1-na serial No.23-ah dah a ni ve a. Hetianga dah dawn chuan schedule 1 leh schedule 6 a zuk dah kha a rem lohna riau a awm a. Schedule 6-ah kan dah dawn chuan kan state neih tawhsa hi District Council-ah kan zuk chantir leh duh a ni tihna tlukah ka ngai a, mahse, mizo hnam hi tribal vek kan ni a, kan chenna ramte hi tribal area-ah kan dah leh theih dan tura chu engtiang zawng hian nge kan dah ang tih chu thil pawimawh tak a ni. Tribal area-ah kan awm theihna turin a Mizoram pumpui tilo khang undivided-Aizawl District leh Lunglei District hi Tribal Area-ah puan ni rawh se tih emaw ni ta ringawt sela. 6th schedule-ah para 20-naah Table pathum naah khang hian dah zuk phut lemlo baw ila. Table III-na a kan dah dawn hi chuan district council ho a zuk dahna leh District Council ho tan liau liau-ah 6th schedule hi buatsaih leh siam a ni bik tlat mai a. Chuvangin a rem lohna riau awmin ka hria a. Mahse Mizo hnam hi schedule tribe tih kan la ni tho va, tribal kan la ni tho va, kan nihna ang taka tribal-ah puan kan nihna tur hi chu a pawimawh viau va, mahse part III ah zuk dah tum ngawt ai chuan constitution-ah hian 6th schedule-ah hi chuan a chang dangte kha han en ila. A district council area te chu governor-in a duh chuan a ti zimin a ti zau thei ang a, District

Council pakhat aia tam pawh pakhatah a siam thei ang tihte a ni a. Mizoramah hian District Council dah belh kan duh anih pawhin, a tih dan kawng dang chu la awm theiin ka ring a, tunah state ni tawh, India constitution 6th schedule a, zuk in phum luh leh kan tum dawn chuan, state kan nihna kha District Council, ah leh kan duhah a ngaih theihin ka hria a. Chuvang chuan helaiah a resolution a ni, amend dan tur remchang deuh awm ta sela, a tha zawk dawn lawm ni? Helaiah 6th scheduled para 20, sub para I ina tribal a tarlanna part III-ah hian, dah lovin, a scheduled dangah te pawh dah ta zawk ila a thain ka ring a. Tin, Mizoram pumpui tih ringawt ho hian, hming engemaw a angai a, Mizoram pumpui tih ang zawng ringawt a zuk dah hi a rem lo reng reng in ka hria a, chulai a chu ngaihtuah chian deuh a tha dawn lawm ni? Chutilo chuan, central sorkarah zuk dil ta ila anni lo ngaihdanah chuan kan duh dan kan tlin. Kha thil tih chi-ah pawh an lo ngai lo mai thei a, chu vangin, helaiah he resolution hi siam that theih deuh nise la, Resolution neitu khan, Pu Speaker a amend thei mai lawm ni? Thil tam sawi tur ka hre lova, constitution expert kan nd bawk lova, chu chu ka sawi duh chu a ni e.

PU H.LALTANPUJA : Pu Speaker, ka lawm e, vawiin a kan Resolution ngaihtuah ho hi, kan Ruling lampang leh i vei lama thute pawh hian kan duhtlang vek niin ka hria a. Chuvangin sawi tam vak ngai lovin ka ting a. Pass mai tawh te hi a tha lawm ni? tih kan rawt duh pah bawk a. Tin, a Resolution pahnihna Pu Rammawia Resolution hi Zoram tan a pawimawh hle bawk si a. Hengte hi thleng hman ila tih kha ka duhtusam ani a. Hemi a constitution lai vel chu kan hotu tamtak khan an sawi tawh a, helaiah chuan kal vek lo ila, kan duh theih a, kan pass dawn ani tih kha a chiang tawh a, chuta a chian hnuah chuan, hetiang Resolution alo luh ngaihna tak dan te hi, nakin thangthar zel atana kan zir chhohna tur atan thu belh tlem han daw ka duh a. Chu chu hnam pawl vavikhat sawi a pawl zia hi kan inzirtir a ngaiin ka hria a. Chutiang nilo sela, hengte pawh hi vawiinniah ngaihtuah a hun seng lova thil dang tha zawk ngaihtuah tur kan ni a, mahse kan politics kal hmasa ten Mizoram tan thil tha tam tak an lo tih rual rual in, hnam pawl an lo khawihna lai chu kan zuk dem a, kan zuk chhir zuina ni lovin, keini vawiin nia Politics a inhmang thangtharte tan pawha, kan hma hun lo kal zel tuzah, thil kan tihsual tawh lohna tura kan fimkhurna atan hian sawi tha ka ti a.

Pu Speaker, Mizo District Council 1952-a Mizoram kan han neih dawn khan, khami Mizo Union movement ko chho a kha Zoram hmuntinah a vung em em mai a, Chappui kang ang main a kang chhova, khilai-ah Manipur kan tih taka kan Mizo u leh naute pawh kha an phur em em a ni tih kan hria a, Senvawn khawpuiah khian Mizo Union khawmpui te pawh lo nghah tawh a ni a. Chutiang chuan vuak te nasa takin an tuar a, rorelna pakhat hnuai ah kan awm ngei ang chu tiin, India, British lak atanga kan indan chhuah khan an bei a ni.

Amaherawhchu, District Council kan han lawm a, kan han nei ta a, 1952-ah Ramri, khilai ah Tuivaiah kan han khamsak ta ringawt mai a. Hmar lama kan unaute kha an thin kha a rim em em mai a, an thinlung hi a na em em a ni. Aizawl Lammualah khuangpui nen Mizo District Council kha an tel lovin kan lo lawm san tawh a, kha khan vawiin ni thlengin rah thalo a chhuah zel a ni tih hi vawiin niah hian ka sawi duh a. Kan HPC lo chhuahna bul tak pawh kha kha a ni lo thei lova, sum leh pai, nunna tam tak, thisen sen a lo ngai leh thin a lo ni, hnam pawl vawikhat sawi hian tih kha ka sawi chhuak duh a.

Tichuan a nih ang chu a ni zo chho ta a, kum 1972-ah Assam State hnuai tlangram miho te chu Assam hnuai atanga indang chhuak turin rua-hmanna, North-Eastern Area Re-Organisation Act kha buatsaih chhoh a lo ni leh a. Khatah kha chuanin, India Hmarchhak Ram hrang hrang te kha, Meghalaya te alo piang a, Mizoram te, Arunachal te alo piang a, ramri zawng zawng khe rin that vek ngai ani a. Pu Speaker, hemi ka sawi hian midang tumah ka dem hranga ani lo, mahse, lesson atan ka duh ani. Keina tan tak pawh hian tha ka ti a.

Tahchuan Meghalaya leh Assam te chu ramri-ah an buai em em ani. Meghalaya politician leh hruaitute chuan Governor L.P.Singh, khatih hunlai a Assam Governor hmaah a hma a Survey of India atangin an ram thla diktak kha an lo lachhuak a, 'Hei hi kan ram map dik tak ani' an ti a, Gauhati khawbul mai Khanapera maiah khuan Umroi lui a luang ani. 'Um' tih chu Khasi tawng chuan 'Tui' tihna ani a, hei hi hmanlai kan pi leh pu atanga kan ramri ani an ti a an chuh tlat mai a, vawiin ni thleng khuan an nei ta tlat mai ani. Meghalaya in Assam khawpui laili-ah khuan ramri a nei thei ta.

Amaherawhchu kan hotute L.P.Singh Governor hma ah Khan Shillong a an zuk kal ve khan, an hning chu sawi lo ila, khatiang lampang reng reng kha an ngaihtuah lova, khami Governor Khan hei hi in ramri tur chin ani ang a chutiang khatiang ati a, an rawn 'Yes' haw ringawt mai ani, engmah sawi leh zel a awm lo, mipui rawna pawh a awmlo reng reng ani. Tichuan 'U.T thami' an ti a, kan senior member Pu Chi an a sawi tak ang khan, 'U.T thami'

an ti a. Mizo Union-ah a duh pawl leh duhlo pawl Aizawl Dawrpui Schoolah vote lakna, an nei a. Tahchuan Pu Speaker, nangmah ngei pawh kha khatih hunlai khan he U.T thami, he tribal area kan hlohna turte Chakma Autonomous District Council te lo piang turte hrelawkin, vawininni a kan Transport Minister zahawm tak Pu K.Sangthuama te, kan Speaker zahawm tak nang leh Pu K.L.Lianchia te ho pawhin khami kha duhlo khan khatiang ang khawp khan Mizo Union pawl hlawm lian tak atang pawh khan, hreawm tawrh huamin intlanchnhuak ngam anih kha !! khangte kha thangtharten kan hriat a thain ka hria a, fak ngai a te chu kan fak zel ngaiin ka hria a.

Tichuan nichin a sawitak ang khan kha 'U.T thami' an rawn hawn an han phelh chiah kha chuan a chhungah khan thil tha lo tam tak, kan hnam tana chhiatna thangtharte tan a hnarmawh a kan ngaihtur, kan harsatna tam tak min siamtu tur kha an phelh chhuak ta ani a.

Khatih hunlai a Pu Speaker, ka han sawi ve duh mai mai a chu Dawrpui M.E School a in inkhawmpui lai khan tleirawl zet zawt kan ni a. Zion Street-ah sawn ka lo thlir ve che u ani. Tahchuan UT thami in han pass zo chiah, a duh lo pawlin lo chhuak, khatah a duh pawl in rawn haw chhova, Zion Street-ah, 'Duhtin aia ka thlan Mizoram State' tih kha an la rawn sa tho mai si a. U.T tha mi kha ropui tak khan an duh tawh kha ani si a. Ka rilru te tein vawiin nia kan thusawiah hian, ka ngaihtuahna khalaia mi kha ka'n sawi chhuak mai mai duh a. Chuvang chuan, hnam pawl wawikhat sawi a pawl zia hi, thangtharte hian kan hriat a, vawiin nia Politics te hi, kheltate hian a bik takin kan hriat a pawimawh a. Vawininnia kan awmdanah pawh hian, hma kan lak, hruaitu kan nih a, kan hmakakna kawng zel tur atan pawh hian fimkhur hi a tul em em in ka hria a. Hnam pawl a khawih theih dan tur te, ram pawl a khawih theih dan tura te ni, fimkhur taka, a tul chuan, mithiamte pawh rawn hi hreh loh tur, hrelo nih te pawh hi hreh loh tur, a tul phawt chuan. Nakin zela thangtharten an tuar leh dawn anih ai chuan, tihte hi ka'n sawi duh a.

Tin, nghakhlol takin kan lo thlira a MNF te leh India sorkar te an inbia a, kan ti a, Manipur area atangte pawh zirlai hruaitu ten nei hi kan last chance ani a, tia theihpatawpin Delhi tlangah pawh, khatih hunlai kan MNF President Pu Denga te hnenah pawh lehkha nen anmahnite pawh kalin an ti a. Amawhrawhchu state a lo piang chho leh ta a, remna leh muanna kan lo nei leh ta a. Khalaiah kha chuan nichinah khan kan Trade & Commerce Minister zahawm tak khan, a nihna phung dik tak kha a rawn sawi a, a lawmawm ka ti khawp mai. Khalai kha chu sawi nawn ngai lovin kan Trade & Commerce Minister khan a rawn sawi chhuak a nia. Chuvang

chuan, kan hma hun lokal zel turah Pu Speaker, ram tan te, hnam tan te a pawisawi leh thin hi nunna tam tak te, thisen te, politics-ah harsatna tam tak namem lo hi min thlen thin ani tih lai kha, vawiin niah hian he House-ah hian ka'n sawi ve duh hrim hrim ani. Pu Speaker, chu zawng chu nise ka lawm e.

PU K.SANGTHUAMA
MINISTER

: Pu Speaker, vawiin nia, resolution hi, a pawimawh hle a. 1970 vel atang khan sawi chho ve ta ila, hei 1970 vel atang

khan, nichin a ka hma a mite sawi ang khan, kan Speaker zahawm tak Pu R.Lalawia te, kan Member zahawm tak Pu K.L.Lianchia te hote nen hian nasa takin hemi chung chung hi kan lo buaipui ve tawh a. Heti laiah hian District Council chung chung hi Mizoram hi Union Territory-a a lo luh dawn khan tuna ka hmaa min a sawi ang khan nasa taka buaipui a ni a, a that dan leh a that loh dan pawh kan hriat ve ang tawh tawkin kan lo sawi khawm a. Mizoram dung leh vangte fangin nasa takin kan lo bei ve a. Mizo Union-ah khan ngaihdan phir a awm ta reng a. Tahkhan Union Territory tha mite kan tia, a thenin a tha lote kan ti a. Amaherawhchu U.T-a luh kha a lo tul ta a. Khati chung chung khan nichina kan Member zahawm tak Pu K.L.Lianchia rawn sawi ang khan kan thiltih turah khan kan Chiang tawh thin lo tih chu a Chiang hle a. Khalai miho kha a pawng a taka kan va pawng demna mai ni loin, thil kan tih dawn reng reng hian chian tawhte a lo ngai a. Thil hi kan duh leh lutukte pawh hi thil awm thei a ni a. Chuvang chuan hei kum 30 dawn lai a ni tawh a, khalai huna kan rilrua kha vawiin niah chuan a that lohzia kan hre chho leh ta a ni a. Chuvangin vawiin nia roreltute pawhina kan rorelte kan thitih reng reng hi kum a lokal chho leh zel ang a. Hun reitak atan thil tha a ni em ? tihte, ngun taka kan ngaihtuah fo hi a tul a. Chuvang chuan hetilaiah pawh hian kan U.T tura kha tha lo kan ti a. Nasa takin kan dodal a, marawhchu dodal zawh lohin U.T-ah kan awm tho va, chuti chung chung chuan he U.T kan pawm takah khan kan District Council lo pian chhoh dan turte eng ang nge tih hre miah loin khati laia District Council kan hotute khan an ngaihtuahna kha an lo hmang tam lo deuh nge ni !! Hetiang hi vawiin nia kan dinmun a lo ni chho ta a. A tha lo ang reng khawp mai a, thil dik sawi hian mi kan dem te pawh a ang a. Amaherawhchu thil dik tak kan sawi a, kan indem deuh anih pawhin huatthu a neih turah ka ngai lova, vawiin niah pawh hian kum 30 (sawmthum) dawn lai kal ta a kan thil chik loh vang te pawh a ni ang chu. Kan thil duh kan hma a lo awm, a rah seng kan tum hmanhmawh taka kan tih thin te pawh a dik lohzie te vawiin niah kan inhre chhuak a. Heng te hi tunhnu zela kan kal

chhohnaah pawh min zirtirtu atan a tha hle ang. Chuvangin, hetilailah hian District Council atanga U.T kan han luh chhoh dawn a, District Council pathum lo piang taah te pawh hian waviin niah Chakma District Council nasa taka kan sawi 60 thin pawh hi helai hun a lo piang hi a ni a. A piandan leh a awmdan kha chu a chin chhuakin sawi a tul lova, kan hre theuhin ka ring a. Chuvangin, waviin niah Pu Speaker, hetilaila ngngni tenen pawh a kum 30 dawn laia kal tawh a, theihtawp chhuah a kan lo beihna ang chi a kha a zahawm em em a. Waviin nia helaila kan member zahawm tak tak te pawh hian hun kal zel tur leh waviin nia kan rorelna ki-ah te pawh hian kan kal chhoh dan turah hian kan Chiang zel tur niah ka ngai a, Chuvangin, waviin nia kan resolution hi a pawimawh em em a. Ka hma a mite han sawi dan ang Khan hemi a nihdan ang ngau ngau a pass hi a tha em ? a tha lovm ? tih te an sawn sawi a. Engpawh nise, hei Mizoram pumpui hi tribal area a awm a, kir leh tura pawimawh kan tih tlan a ni a. Election dawn a kan manifesto a kan siam tlan a ni a. Hei hi kan Congress unau te pawhin an hutthu suhah, tun inthlan dawn Khan an manifesto ah awm lo mahse, waviin ni hian he kan resolution hi an do bikin ka ring lova, ram pumpui tana thil tha, kan ram tana thil tha niin kan hre thin niin ka ring a ni. Chuvangin, thil tam tak helailah hian han sawia a dan leh dun pawh a chin chhuak a kan sawi tur pawh ka hre chiah lo nain. Nimahse, a then tribal area a awm a, a then awm loh Zoram chung theuh theuh siah pawh han nih a hi thil fel ani lova, he resolution neitu in a sawi atang Khan a Chiang hle a ni. Harsatna tam tak hun lokal a tawh theih dan tur leh waviin ni pawh a kan tawh mek te han ngaihtuah in he resolution hi kan pass ngei a thain ka ring a ni. Hetiang thil hi awmsa atanga danlo siam danglam tawh te a ni a, ti danglam leh tur pawh hian Pu Speaker thil wavi lehkhatah Central sorkarah han tih pawh a lokal duak duak tur emaw chu ani lo mai thei a, mahse thil hi wawikhata hlawhtling mai emaw anih loh hian theihtawp kan chhuah chuan kan resolution kan putluh hi kan pass theih ngei chuan a hlawhtlin pawh a in beisei awmin ka hria. Chuvangin in lungual taka heng hi tih chi a ni a, a then in sawisel emaw hi he ram tan hian a tha lova, kan tang tlang zel tur a ni. Waviinah he resolution kanput luh hi rual khai taka kan zavaia kan support theuh a beisei awmin ka hria. Ama rawhchu heti laia a nihna ang hian a ngai ngai hi a thu hi a tha ber em ? tih leh a tha lo em ? tih chu kei ka thu thiamna te hi a tlem a, ka tawngkam thiammate pawh a tlem a, Chuvangin, a nih ang ngan ngan hi a tha dawn nge ni a ? han siam danglam deuh hi a tha dawn em ni tih pheichu ka hrethiam tehchiam lova, thu thiam zawk te leh rem hre zawk ten ngaihtuahna in hman atan pawh a tha viau in ka ring a. Chuvangin, kum 30 kal dawn ta a kan thil lo tih tawh kha waviin ni a kan hriat, tha lo ngei kha chu waviin niah huaisen taka, Pu Speaker, kan zavaia a tih danglam theihna dan kawng a la awm chung hi chuan huaisen taka kan kalpui a dik

fovin a rinawm a. Chuvangin, thil hi rorelna key-ah te reng reng hian ram tana kan hnathawhna te leh Ram tana kan ngaihtuahna kawngah hian huaisen taka ke kan pen fo thin hi a tha in ka hre ve thin a. A mimal ang tak pawhin thil kan tihna kawng reng reng hian tha tur a ngaihna ah chuan, kei, tang ve tlat mai thin ka ni a. Kan tan tlat na kha tha tur reng alo nih chuan huaisen taka kan tih tlang te pawh hi keima mimalah ka lo tum ve thin ani a. Amaherawhchu tha tur taka kan ngaih te pawh hi a tam zawkin an duh tlat loh chuan thil tih harsa tak te pawh a awm thin a. Nimahsela, wawin ni a kan Resolution hi chu kan hnam, kan ram tana himna leh thil tha anih avang hian wawin niah helai a kan ngaihtuah khawm hi tuman harsatna lampang sawi tur pawh kan awm love, chuvangin, lungrual taka he kan Resolution hi kan pass theih ka beisei a. Chuvangin, wawin niah he kan Resolution, Tribal Area a Mizoram a pumpui a dah leh an rawn putluh hi lungrual taka pass thei turin wawin ni hian kan zawkin kan sawm ve duh che u ani. Ka lawm e.

S P E A K E R : Tawngkam hnih khat lek, nichina kan member te thusawi kha thil hriatsual deuh hlek an neiin ka hria a. Hemi hriatna a zau zawk theih nan, District Council hi keini Mizoramah chauh hian hnam hming angin a kal a, hei hi kan hriat a tha a. Chakma District kan han ti a, Mara District kan ti a, Lai District kan ti a, hmun dangah chuanin North Cachar Hills District, Hills District a ni a. Khasi Hills District a ni a, East-ah leh West-ah an inthen leh tawh a, Jaintia Hills district a ni a, Garo Hills District a ni a, Tripura tribal areas district a ni a, kha kha, kha a Hills District-ah khan hnam tam tak an awmkhawm a ni. Kan tamah erawh chuan hnam hming bika koh an ni chauh zawk ani. Mi state hnuaiah khan a ni ve kher lo tih kha kan hriat chian a tha in ka hria a. Khalaiiah te khanin state dangah pawh hnam hming kher lo chuan theih loh ang deuh hleka kan ngaihna lai kha a awm a, kha kha tlema hriat chian zau nan constitution kha en ula infiah maiin ka ring a, khalai te kha ka'n sawi lang duh mai a ni a.

Tunah Pu R.Lalzirliana i lo sawm ang .

PU R.LALZIRLIANA : Pu Speaker, ka lawm e. Tawite, sawi thui pawh ka thiam ve lo a, ka'n sawi ve ang a. Kan resolution rawn thehluttu

Ratu bialtu MLA zahawm tak resolution hi tunhma atang pawh khan keini chuan kan lo sawi ve tawh thin a ni a. Ama'rawhchu thil hi a tak taka han tih hi a harsa thin a, kan puitlin bik lova, kan puitlin bik loh avangin wawiin niah hian hetiang anga rawn sawi leh hi a ngai ta a ni a. Helaiiah hian 6th Schedule paragraph 20-na part III ah hi chuan Chakma, Lai, Mara tih ang chi te kha a lo ni a. Tin, a dangah pawh hian tuna kan Speaker zahawm takin a sawi helaiiah hian kan lo in phuahsual deuh tawh a, a tie atanga a bilh a tho lo ani tih kha a chiang em em a. State dangah khatiang khan kan ram kan intih ang hian an ti ngai lova. Heti laia tumah rawn bik lova kan ram a buai avanga a duh duhin a India sorkarin i ti mai ang min rawna nei hauh lova an rawn phuahchhuah tak ayang khan a buaithlak ta a ni mai a. Tiang chuanin Tripura te, Assam te, Meghalaya-ah te pawh District an nei a. Chu District chuan Tribal area a nihna kha a rawn keng tel ta zel a ni a. Vawiin nia kan resolution ngai ngai ang lo deuh hian chuan ti ta zawk ila a fuh zawk mai awm mang e tih ngaihdan min neih tir a. A chhan chu Schedule one-ah khan Mizoram kha a lo tel tawh a. 6th Schedule-ah khan khatia Schedule 1-a awm tawh 6th Schedule-ah khan Mizoram tia va dah leh kha chu a harsa in ka ring a. Chuvang chuanin a Mizoram tih aiah khan hemi undivided Aizawl, Lunglei District te hi a district hming ang in emaw khatiang zawng khanin a hming chu kan duh duh phuah ta ila, hnam bil hming nilo khan, chutiang zawng chuan ti ta ila kawng be pawh hi a in hawng thei deuh zawk ang em aw tih kha ngaihtuahna min neih tir a. Chuvangin District Council hetia pehbel deuh a sawi chuanglo hian District Council-ah Mizoram hi thei ni leh rawh se/ dah leh ni rawh se Autonomous District Council-ah tih khanin a hawi chiang zaw berin ka hria a ni. Kan duh pawh hi a thuhmun in ka ring a. Chu chu kan sawi ve duh mai ani a, chutiang anih loh chuanin nichina kan sawi tak ang khan a harsa deuh hlein ka ring a. Tin, kan hun hma lama U.T a kan hotu te leh khatiang hotu hmasate pawh kha an demawm mang e tih te pawh kha awm lek lek in ka hria a. Amaherawhchu, hengte pawh hi an hunlaia hetiang anga lo chhuak nimah selangin, a hnuah hian Party tin kan sorkar tawh a. Khami han tihthat leh tuma bei hi kan awm hranpa lovan ka hria a. Chuvangin kan zavai hian kan mawhphurhna tlang vek a ni tih hi kan pawm tlan a tulin ka hria, chuti anih loh chuan, kan hotu hmasate engkhaw sawi set set lova, thiltihthat lam han sawi tu tur awm chuang silo han dem ngawt a kha a lainat thlak in ka hria a. Mizoram a Tribal area ni ta lo hahi Autonomous District Council kan neih leh theihna turin he House hianin pass ta zawk ila, chu chu vawina kan hla uh ber 'Sales tax' kan tih ang chi te pawh, hnamdang ina min chimral theih lohna kawng daltu tha bera kha a nih ka han ring ve thla rawk a ni a, wawiin niah hian he Resolution

hi ti danglam in pass ta ila chu kori a tuk deuhin ka ring a. Central lam atang pawhin min ngaihsak dan a awm deuhin ka ring a ni. Amaherawh chu, a resolution pangngai ang anga pass kha kan duh leh helaiia MNF leh MPC joint Manifesto anih avanga hetiang hian kaltlang ngei rawh se kan ti anih pawhin keini hi chuanin harsatna lutuk kan siam ka ring hauh lova, kan pass pui tho ang a. A chhan chu, vawiin niah hian in thawhho leh theih te pawh kan duh a. Helaiia kan han pass hi chuanin manifesto intawm a ni a, in thawhho lehna kawng te pawh a in hawna lai, in lungrualna lai tak te pawh anih kan beisei deuh a. Chuvangin Pu Speaker, hetiang anga inti tlat anih pawhin kan hnial hrampa bur lova, amaherawhchu, awmze nei deuh zawk chuan he Resolution hi ti danglam ta ila kan ram tana thil tha anih kan ring a ni.

Pu Speaker, ka lawm e.

PU LALRINCHHANA
MINISTER

: Pu Speaker, hei Ratu bialtu
Pu Lalthan Kunga resolution
sawina hun kan nei a, Sixth
Schedule Sub section I, Tri-

bal area tarlan part III ah hian, Mizoram pumpui dah luh turin Central sorkarah siam that dil di rawh se', tih Resolution a lo lut a, he thil hi a chin chang la hre ngailo tan chuanin engtizia nge he thil hi a awm theih tih theih a ni a. Mizo hnam pumpui hi vawiin ni thlengin tribal kan ni a. Tribal area anih chuan tribal te chenna hmun tihna mai niin a lang a, chuvang chuan tribal area kan nih avangin tunhma atangin India ram State sorkar a alo din chhuah atang pawhin a Mizoram pumpui kha tribal area anga en reng reng kha ani a. Amaherawhchu U.T a kan ram a rawn in siam chhuah khan Aizawl District leh Lunglei District hi tribal area atangin sahthlak in alo awm ringawt mai a, chuta tang chuan helai area hi chu tribal area ang ni lovin a kal a ni. He thil hi, hun harsa hun inkara kan awm lai, keimahni State a politics mi te pawh duh anga kan la changkan loh lai mai ni lovin, indo buaina kara kan awm lai, khang hunlaiia thil thleng kha ani a. Kan sawi tawh ang khan helai huna, Mizo politics te kha moral chuan thui takin mawh an phur ang, amaherawhchu, chumi rual rual chuan, Centrala khami laia sorkarna kengtu ten mawh an phur thui ka ti khawp mai. Mizote hi tribal in ni ta lova, in awmna area pawh hi tribal area ani ta love min ti chu ni sela ani maw, kan ti ang. Mahse kan awmna area Aizawl District leh Lunglei District hi a chhunga cheng za a sawnkua aia tam Mizo kan ni vek. A khawi laiah mah hian Mizo tribal nilo

hian min Majority khalhna pakhat mah a la awm lo, chu-
mi avang chuan keini ho hi khang hun lai leh vawiin
thleng in tribalah min pawm ani, Mizo te hi tribal kan
la ni. Tribal kan ni chung a kan awmna area tribal area
ni lova kan dahna kha, India sorkarin a rawn siam a, he
constitution a rawn buatsaih ta hi chu a fuh lo hrim
hrim ani. A chan ve in a kal a, chu chu a nih avangin
Mizo hi tribal kan nihna vawiin ni thlengin ala tawp
si lova, Aizawl district leh Lunglei district ami te
phei chu tribal area in ni ta lo tiin constitutionah
min thlak sak mah sela, tribal area a cheng ang tlat
in hmun tam berah hian min chim lo thei lo - A chhan
chu tribal kan ni tlat kan awmna area hi tribal ho area
ani tlat. Chumi avang chuanin phairam a awm te tribal
ni lo ho te awmna ram a an dan leh kalphung engkim
kha Mizoram ah hian an rawn kalpui tak tak thei lo reng
reng ani. A chhan chu tribal kan nih avangin, chuang
chuanin he constitution-ah Mizoram Chhimtuipui district
ni lo ho zawng tribal area atanga mi an dah chhuak ta
a hi hei hi thil tih dik loh a ni a. Heng hi thil tih
dik loh a ni e, chuangin tribal kan nih chung chuan
kan awmna area hi tribal area a ni tur a ni. Chuangin
helai a awm te hian Zoram mipuite ai awa Central sor-
kar kan zuk auh hi kan tihtur dik tak a ni. A nih leh
helai chu State kan lo ni tawh si a, heng schedule - I
ah te kan ram hming a lang tawh si a, chuang chuan
engtinge ni ang kan state nihna hi District Council-ah
kan surrender leh dawn em ni ? tih anga ngaihdan te pawh
a awm thei awm e. Amaherawhchu, schedule - I hi thlir
ta ila, Meghalaya pawh schedule - I-ah an awm tho,
Meghalaya ram pumpui a ngaih khu Tribal Area-ah a la
awm vek tho a ni. Chu chu a nih avangin helai a Schedule
I -a State kan nih avang ringawtin 6th Schedule-ah
tribal te humhalhna kan chan theih lohna tur hi kan chan
theih lohna tur a awmlo reng reng. Chuangin Mizoram
State chu tribal state a ni tur a ni mai a ni. Tribal
State-ah erawhchuan Autonomous District Council hi chu
in neih vek a dik ang. Chu chu kan practise phung a ni
an ti a nih chuan Aizawl District leh Lunglei District
pawh hi District Council Area-ah kan siam leh mai tur
a ni. A ram pumpui ah hian khawilai mah hi Mizo tribal
lovina min tawhkhah lohna a awm loh avang hian Mizo-
ram pumpui hi Tribal Area-ah puangin he state hi tribal
state-ah India sorkar hian a siam tur a ni. Chu chu
India Constitution siam dan phung leh India in India
ram mipui a enkawl dan phung chumi anga Mizo fate
min enkawl ve dawn anih si chuan he thil hi Central
Sorkar hian a rawn siamthat hi a tih tur dik tak a ni.
Chu a tih tur vawiin ni anga, kan auh let a pawh kan
tih tur dik tak a ni. Tunhma hunah 'I lo ti lova'
'I lo ti lova' kan inti tawn thei, chuangin inpuh dawn
ila, kan inpuh leh thei vek mai thei a, MNF te ngei
pawh min puh let thei, State a din dawnah khan enga-
tinge hei hi in tih loh ? ti pawhin min puh let thei
ang. Engpawh nisela harsatna karah tunhma kan lo awm a,

Chumi avangin he thil hi a hun lain kan ti hlei thei lo-va, amaherawhchu tunhma kha chu a hun lai a nilo tihna a ni ang.

Vawiin ah erawhchuan hetiang a hun thawl tha kan han neih takah chuan, Mizoram hian kan nihna ang tak condition hian enkawl hi kan hlawh ve tur a ni, tih a he resolution lokal hi vawiin a Mizoram mipui aiawh te hian lungrual taka kan pass hi a dikin ka hria. Chutiang hawi chuan vawiin niah hian he ngaihtuahna hi hmang ila, he resolution hi kalpui ila thain ka hria a. Chuvangin Mizo hnam pumpui hi tribal kan nihna hi hlih-thlak anih hma chuan kan luahram hi tribal ram a nihna a bo thei lo, a bo hi thil dik a ni thei lo, constitution ah lang lo mahsela, Tribal ram anih avangin tribal rama vchengte angin vawiin thlengin kan enkawlin kan awm lo thei lo. Chuvangin ka nihna kalha constitution lo kal tawh hi siamthat leh hi a hun tawh he siamthat lehna hunah hi chuan Central Sorkar pawhin a tih tur hi a tih ve a hun a, keini pawhin chumi a tih theihna tur chuan Central Sorkar hi kan auh a hun a ni, chu chu Pu Speaker ka rawn tarlang ve duh a, chuvangin lungrual takin kan resolution hi pass tlang turin kan han sawm duh e, ka lawm e.

PU NIRUPAM CHAKMA : Pu Speaker, ka lawm e, member zahawm tak Pu Lalthan Kunga resolution 'Sixth Schedule para 20(1) ah Tribal

Area taellan Part - III ah hian Mizoram pumpui dahlut turin Central Sorkarah siamthat (Amendment) dil ni rawh se ' tih hi a zahawm hle a. Mizoram pumpui Tribal Area a a awm theih hi chu a tha ka ti a ni. Tuna Mizoram pumpui atangin Tribal Area ni lo chu Aizawl District leh Lunglei District chauh a ni. Chhimtuipui Area zawng chu 6th Schedule Para 20 angin Tribal Area a dah a ni a. Aizawl leh Lunglei District dah leh tur in kan duh chuan Mizoram pumpui ti lovin, Tribal Area tarlan Part III ah hian Aizawl District leh Lunglei District dah lut turin Central Sorkarah siam that (Amendment) dil ni rawh se tia ziaak zawk hi a tha a ni, ti ringawt a ziaak hi a tawk em ni ? Pu Speaker, a awmsa kha dah luh a ngai em ni ? A resolution hian engnge a tum, tribal area a dah ringawt nge a duh a District Council? tih kha kan han sawi atang khan a Chiang lo a, zing atangin kan sawi a, tribal area ah kan awm duh. Tribal area a puan ringawt nge kan duh District Council ah tih kha member ten kan han sawi a tang khan a fiah tawk lo niin a lang a. Khawngaih takin resolution neitu pawh intention clear takin a sawi lo niin ka hria. Hei Mizoram pumpui dahlut turin Central Sorkar dil ni rawh se

tih hi Lai District, Mara District leh Chakma District leh Mizoram State administrative, District -ah chuan undivided Chhimituipui District ka ti mai ang. Hemi atan hian amendment a ngai lova, tul pawh a tul lo a ni. A awmsa a ni e, tin, khafia amendment kan tih dawn chuan nakinah engemaw issue a la awm zel ang, chuvang-in keima rilru-ah chuan apprehension lian tak ka nei. Lian tak ka nei. Hemi tribal area-ah kan dah tum rual rualin tunah District Council awmsate hi hming thlak emaw, area thlak emaw, an rilru niin ka hria. Member zahawm a moved-naah pawh a sawi tlat a ni, hnam hmingah District Council awm tumna ka hrelo a ti a. Chuvang chuan keini District Council atang chhuak kan nih avangin. Tunah khami resolution a working awm ngawr ngawrah chuan pass pawh harsa ka ti. Amendment engemaw siam a nih loh chuan. Tribal area chu kan duh keipawh ka support, Aizawl leh Lunglei awm rawh se, District Council duh a nih pawh ka support e, khami bak Chhimituipui district khawih a nih chuan hemi Resolution in, amendment thlengin phut a nih chuan ka support thei lo ang che tih hi ka sawi duh a ni, member zahawm tak pawn min hrethiam se, chuvang chuan ka rawtna chu hetiang a ni a. Mizoram 6th Schedule paragraph 20 sub-paragraph one(1)-ah tribal area a tarlan part III ah hian, undivided Aizawl District leh Lunglei District dah lut turin Central sorkarah amendment dil ni rawh se, ti zawngin member zahawm tak move tu hian amendment siam sela, chutiang chuan kan pass thei mai ang, chutiang anih loh chuan, hemi awm ang ang chu kan pass thei lovang . Ka lawm e.

PU H.VANLALAUVA
MINISTER

: Pu Speaker, a hmasawin, lawm thu sawi pawh tha in ka hria a. MNF, MPC joint manifesto te, tih puitlinna tura Ratu

bialtu zahawm tak, Pu Lalthan Kungan, hei House-ah, resolution a rawn pulut hi a lawmawm hlein ka hria a. Tin, vawiin niah ram hrulaitu kan nihna ang a, kan mawh-phurhnaz te hria a. hei resolution hi a nihna ang tak a kan dawnawn avang pawhin a lawm hlein ka hria a ni. Pu Speaker, Saiha bialtu zahawm tak khanih Mizoram chung a awm a, Chhimituipui District hi a ngai ve ta lo em ni chu le tih tur a thu a han sawi pawh kha, thil awmzia a hriat chian loh vangah a ngai ila, a tha in ka ring a. Amaherawhchu, Aizawl South II bialtu zahawm takin, he resolution, pulut tuin a a han telh chiah loh leh tih belh a han sawi kha kan resolution awmzia a tihchian lehzual ka ring a, 6th Schedule para 20, sub-para I tribal area taarlanna part III ah hian, Mizoram pumpui dah lut turin, tih ngawt ai khan, 'Dah lut leh turin central sorkarah siamthat (amendment

dil ni rawh se' tih ni dela. Tun hma a kan chanvo kan lo ta sa leh nihna sa, diklovtaka ram mipuite pawh rawn hauh lova, min lo chhuhsak kha kan claim leh ani tih hi hei hian a tichiang deuh awm mang e tiin ka zuk ngaihtuah a. Chuchuan Mizoram pumpui dah lut leh turin, central sorkarah siam that amendment dil ni rawh se tih ni ta sela chu, tun hma a kan chanvo leh kan nih tawhna sa kha, a zuk sawi chiang deih awm mang e ka ti a ni. Tin, keimahni lam kan hruiatu hmasate demna leh dukhawp lohna te pawh member ten kan sawi a, a bengvar thlak a. A lehlamah chuan central sorkar hi an demawm hle in ka hria a ni. 6th Schedule siam anih dawn lai leh Tribal Area a Mizoram dah kan nih dawn lai khan min rawn a, Advisory Council ah te pawh palai kan intir ani tih kan hria a. Mahse 6th Schedule a kan inhumhimna dan pawh tura U.T Amendment Act dan an siam dawn lai khan min rawn hauh lova, mipui duh dan leh ngaihdan pawh la duh hauh lova, min hriattir duh lova, kan chanvo hlu tak, kan inhumhimna sap hunlai atang a India sorkar pawhin alo chhawm chhoh, kan neihsa min han pahsak ringawt mai hi central sorkar hi an dik lo ka ti a, an thiam lo ka ti a ni.

Tin, U,T thami tia member tam tak ten an han lam rik, kan hruiatu hmasaten an lak dawn lai khan Mizoramah ULP Mizo Union leh Congress intawm sorkar a ding a. Mizo Union lam CEM-ah an awm a, He U.T chung chang thuah hian harsatna tam tak an neih chu, a ni ang tih ka ring a. Kei, engmah ni lo kha, hemi chung chang thuah, CEM te, Mizo Union Ptesident leh Congress President ten an ngaihtuahna Committee pawimawh takah CEM-in a P.S tirin kan In atangin min hrui chhuak a. Min rawn duhna erawh chu thil dang a ni. Ramhnaai sorkar te ngaihdan leh an duh dan hriat duhna an nei a ni tih C.M Office ka va thlen chuan ka hria a ni.

Nichina member zahawm takten an sawi, a fun chauh kha an en a, a chhungah engnge ni awm tih an en lova an tih pawh kha a dik mai awm mang e ka ti a. Kan hotuten thil an chhut chiang lem lo, an ngaihtuah chiang lem lo tih kha chu zuk hriatpui ve-in ka inhria a ni.

Tin, Remna thuthlung siam, demna thute pawh member thenkhat ten an han sawi ri nual a. A ni taka, he thilah hian dem tur leh puhmawh tur kan zawn chuan, dem tur, puhmawh tur a bo hauh lovang tih a rinawm a ni. Heng chung chang, India sorkar leh Hnam Palaiten an ngaihtuaha an rel thin lai khan Mizo hnam palai Mizo aiawh a central sorkar be tu ten inka leh pawh huamin huaisen takin Mizo hnam demna tur leh himba tur ngaihtuahn tan an khawh a. Nasa takin an inbei ani.

Inbiakna hemi avanga a tawp dawn tak avangin kan delegation leader in Mizoram a Political Party zawng zawng te tlawngai pawl leh Kohhran ho mipui ngaihdan leh duhdan hriat an mamawh ani tih min rawn hrilh angin keini inah ngei political party aiawhte pawh kokhawmin, mipui ngaihdan hriat tumin theihtawp chhuahin tan kan lo la ve a, heng kan hnam in a mamawh kan tu leh fate zelah, Mizoram awmchung a tana kan hnam rohlu leh thil pawimawh te hi political party hruaitu leh tlawngai pawl te leh Kohhran ho pawhin an duh vek ani.

Amaherawhchu khati lai a party hruaitu leh tlawngai pawh hruaitu leh Kohhran hruaitu kan biak leh kan kawm zawng zawng te chuan Remna leh Muanna No.1-ah an dah vek a. Chumi thlengna atan chuan engmah kha manin an hre lova. Chuvang chuan kan hnam palaite leh ramnuai a ram leh hnam tana pasaltha rammu ten inkah zel huam mahsela, an thawhsak Mizoram chhunga a Mizo mipui tam ber te duhdan ni a hriat anih avangin hetiang inremna thuthlung hi sirhnuknan hman alo ni ta ani tih vawiin niah hian he House-ah hian ka sawinawn ve leh duh a ni. A chhan chu tuboh leh dolung inkarah rethei takin kan awm a, remna leh muanna anih dawn phawt chuan, mi tam ber phei kha chu District Council-ah pawh kan lungawi em ni chu le ? tih tur khawpin remna leh muannaah khan kan ril a tam a. Kan tui a hak ani. Tin, heng zawng zawng hi anmahni India sorkar pawhin inremna kan neih hnuah India Constitution tih danglam a, ram dihmun siamna chung chung thu hi chu open chapter ani. Thil inhawng reng ani. Amaherawhchu tunah hi chuan, a harsa ani e. Kan dihmun hi min hriatthiam pui rawh u, tia an ngenna te leh mipui an thawh saka te, duh ber leh an ngaih pawimawh ber, remna leh muanna chu neih ngei duhna avangin, he remna thuthlung hi a lo chhuak ani, tih kha vawiin niah kan hriattlan vek nimahsela, ka'n sawi nawn vele duh a. Tin, Chawngte bialtu zahawm tak Pu Nirupam Chakma khanin Tribal area nge kan duh District Council ? tih zawhna te an nei a. A resolution han en hian District Council kan demand lova, district council resolution ani lova. Mizoram pumpui tribal area a dah lehna tura Resolution ani tih a Chiang a. Chumiah chuan, district council pawh a len avangin chung chu Tribal Area kan nih hnuah, Mizoram tan leh mipuite tan a tha em ? Hei hi kan nei duh em, duh lo em ? tih chu kan la ngaihtuah leh tur ani ang a. Phung rilru hria ang deuh mai a, a resolution pulut tu rilru te pawh an sawi nual a, khang kha chy, thlaphanna tur awmin ka ring lova, inrinhleih ai chuan han in ring phawt ila, a tha in ka ring ani.

Pu Speaker, vawiinniah, sap hovina min awp lai atanga kan inhung bikna Schedule

Area District Act 1874 a min lo siam sak Government of India Act 1919 a helaiah min humhimna tura excluded area a min lo dahna, kan inhumhim zelna atana Government of India Act kan inhumhim zelna atana Government of India Act, 1935-a min tihnun chhoh zela kha. India lo indan hnuah pawh khanin Constitution Sixth Scheduled ah min chhawm nun sak chho zel a nih kha vawiin niah kan hre rengin ka ring. Mahse North Eastern Areas Organisation Act, 1971 leh Union Territory Amendment Act, 1971 chumi bawhzuina dan te, an han siam chhoh va, chu chanvo hlu tak kan hnam ro-hlu leh kan inhumhimna sap-ho hun lai atanga kan lo neih min paihsak kan neih leh-na tura Resolution Ratu bialtu zahawm takin a rawn put-luh hi vawiin niah lungrual takin i pass ang u, tiin ka'n ungen ve duh a ni e, ka lawm e.

PU RUALCHHINA
MINISTER

: Pu Speaker, hei vawiinah
hian Resolution pass tur
leh sawiho tur tha tak mai
Pu Lalthankunga'n a rawn

chhawp chhuak hi fakawm ka ti hle a, puitling ka ti hle a ni. Tuna kan han ngaihthlak te, a hmaa sawituten an sawi kan ngaihthlak ang khanin keini hi dangdai deuh hlek kan ni a. Kan awmna lah a ram kilkhawr ber lo ni bawk nen, bik deuh hlek nihna kan chan zel hi a pawimawh a, tun hma atang pawha political thilah te, administration thilah te pawh British India kha Sapho-in an rawn awp lai pawhin, 'Excluded Area' tih thlenga an Administration India tih hnuaiia min lo dah lohna, min lo dah hran kha a lo tha hle mai a lo ni a. Chung chu kan ngaihtuah phak a ngai hle in ka hria a. Tin, mi tam takin Tribal kan han ti a, Tribal nihte hi kan hreh viau mai a, zahthlakah te pawh kan ngai a, hmuhsitna tawngkam niin kan ngai bawk thin a.

Amaherawhchu, kan sawi duh pakhat chu kan nihna ang ang hi kan ni ngam in kan pawm ngam tur a niin ka hria a. "Kan nihna ang taka kan awm zel hian a ni kan lo him ber ni" ka ti. Tunah hian 'Mizo' kan inti a, Mizo nilo Garo emaw inti tlat ta ila a dik lo tlat mai a ni, kha kha chuan kan him lo hrim hrim tawh a. Khatiang deuh khan kan nihna dik tak tuna constitution amendment leh heng Union Territory amendment Act tih te leh North Eastern Area reorganisation Act 1971 te a lo pian hian kan nihna dik tak mai min han thai bo kha dah leh turin tun hun angah hi chuan hei thil engkim kan hriat chhuah tawh hi, keini vawiin nia roreltua thlan tlin te hian hei hi chu i passedteh ang u. "India sorkar constitution amendment siam turin i nawr teh ang u" kan ti a ni. Hei hi a awm ka ti khawp mai a, tin, han en reng reng pawh hian Tribal Area tih min han thai bo sak, neih lehna thu hi India sorkar tan pawh (ka ngaihtuah thin a) a uih-awm lo hle in ka hria. Chu chu an tih theih ngai pawh ka ring a, chutianga kan nihna dik tak anga kan awm khan kan ram, kan hnam kan him chhohna tur leh keimahni pawh kan in humhalhna tur zel atan a tangkai chho zel dawn a ni. Hemi Union Territories Amendment Act 1971 an tih te, North Eastern Area reorganisation Act te an siam vel lai hian Mizoram hi Mizo District tih a ni a. Tunah chuan Mizoram tiin kan lo thlak tawh a. Engpawhnise, khami anih chuan Mizo District kha Tribal Area a dah a lo ni thin ang khan tuua Mizoram kan lo tih tak a hi Tribal Area-ah dah leh ni rawh se. Chumi ti tur chuan constitution Amendment pawh hi "India Parliament pawhin siam rawh se" tiin kan phut in kan ngen dawn a ni ber a.

Tin, hei hi engemaw a tulna a awm lo kan tih chuan keimahni nihna dik tak kan nih hian kan nihna tak anga kan chanvo pawh kha kan chang thin niin ka ring tlat a ni. Entirnan- Tunah hianin

hlauhthawn te pawh thil awm thei zel a ni a, thil chi hrang hrangah zirlai te tan pawh Tribal Scholarship te kan ti a, tin, zin veivahna lam thilah pawh Tribal concession te thlengin. Chubakah chuan competition lampang te pawh service-a kan luh ve theihna turin Tribal reserved te kan ti a, khatiang ang khanin kha Tribal nihna leh Tribal area kan nihna kha kan chhawr tangkai em em a, rual te pawh kan pawl phak chauh zawk a ni. Hetianga thaibo a lo nih chuan nakinah chuan zawi zawiin tuna kan han sawi takte pawh kha ti bo hret hret se chuan kan nihna tak pelhsawlha kan awm hunah kha chuan kan him lohna a lo tam tial tial anga, kan hnam pawh a phirsi telh telh ang tih hi a rin theih a ni.

Trading by non-Tribal dan kan lo neih theih thin a te pawh kha tunah chuan nei hlei thei lovin khatiang avang te pawh khan kan lo awm chho zel a, kan him lohna hi kan ngaihtuah chuan a rawn pung tulh tulh tawh mai a ni. Chumi hre chhuak tu leh he resolution pass nachang hretu nih hi vawiin ah hian kan tih tur a lo nih bakah, Pathianin min ruat na a ni tih hi kei chuan ka ring a ni. Tunah hian a tul hlei nem! khang te chu kal san tawh alawm! tih kan ngaihtuah mai a. Amaherawhchu, thil chi hrang hrang kan ngaihtuahin, ngun taka kan ngaihtuahin kan Ram, kan Hnamin rual a bana kan him chhoh zelna tur atan a tangkai a ni tih ah khan he kan Resolution kan pass ngei ngei hi tul in ka hre tlat a ni.

Saitual Bialtu, Pu Zirliana khan hei hi chu lungrual takin pass ka beisei khawp mai te kha a rawn ti a, fakawm hle in-ka hria a. Heng hi Party thu leh hla te, engemaw kan danglam avanga intih pui loh lam nilovin a ram pumpui, hnam pumpui tan, Party piang tawh leh la piang lo, lo piang tur te nen lam pawh a himna tur a nih zawk dawn na avangin he Resolution hi kan pass a pawimawh a. Tin, hei hi a puitlin chhoh zelna atana constitution Amendment Parliament-in a ngaihtuah hmasak ber atana a tel ngei theihna tur pawh a, a bawhzui pawl te pawh kan in siam hi kei, pawimawh ka ti em em mai a.

Tunah hian kan ngaihthlak tawh ang khan, District Council hi phut kan ni lova, Autonomous District hi phut leh pawh kan nilo, amaherawhchu, khami 'Tribal Area' kan nihna an han thaibo kha awm kan ti lova. Tin, inrawna pawh awm lo a lo ni leh ngal a, chuvang chuan kan in justify thei viau in ka hria a, thiam kan in chantir thei viau a ni. Chuvangin, thiam chang inti tak chungin, he Resolution hi kan pass theih ngei tha in ka hria a ni.

State kan lo nih dawnah Inremna ang zelin hemi Legislative Assembly Member tur ang te pawh kan la tet tham deuh leh population ah te pawh kan la tlem tham deuh avangin Seat 60 ni sa a constitution-in lo dah pawh nimahse, Seat 40 ni rawh se kan ti a. Tahchuan Seat 40 turin kan tla thla a ni. Khangte pawh kha a zahpuiawm hauh lova, kan nihna ang tur tak leh kan ram dinhmuna a chawih tawk ang tak anih avang khanin vawiinah hian a awm hle a ni. Kan population a lo tam zel chuan 60 kan nih lehna tur leh khata kan return lehna hun tur chu a lo la kal leh tho dawn a ni. Amaherawhchu, khami hma kha chuan 40 kan nih hrih hi a tul ang khan, he schedule area kan nih thinna a kha lo thaibo mahselangin, tunah chuan khata kir leh kha a hun tawh zawk a ni. Kha kha kan tangkai pui tur leh kan himna tur a la ni zawk a ni tih hre reng chuanga kan Resolution hi kan pass ngei ka duh a.

Tichuan, Politician hmasa te emaw, hruaitu hmasa te emaw zuk demna tur ni lovin hetia constitution amendment atanga khatiang rawn paihthak ta a kha, constitution amendment vekin hei hi chu i dah leh ang u tiin Member zawng zawng te kan sawm a. Tin, hemi pawimawhna hi tunah kan ram mipuite pawh hian lo hre vek se, he kan ram roreltute hian hemi hi pass turin an move mek a ni tih te hi lo hre vek se ka duh a, kan sawm bawk a ni. Pu Speaker, ka lawm e.

PU F.MALSAWMZ
MINISTER

: Pu Speaker, kan Member zahawm tak Ratu bialtuin a rawn puiluh hi a pawimawh hne a. Kan Member thenkhat

tena Mizoram pumpui han tihlai a kha tlema an han hriatthiam loh deuh a kha hlauhthawn tur awmin a lang lo a. Tuna awm tawh sa chhim lampanga Tribal Area-a lo dah tawh ho a te kha engmah va tih derthawn tur emaw, va tihbuai tur emaw a nei reng reng lova. Mizoram pumpui huapin nise, khang kha an awm sa a, a dang kha a in belh dawn tihna a ni mai a. Hei hi ngaihkawih lo hram hram nisela a tha in ka hria a, a chhan chu tlema hemi chungchang han sawi hian a Mizoram nawlpui tana ngaihthlak hrehawm lampang hi a rawn rik zeuh zeuh thin avangin helai hi fimkhur ve pawh an tan tha in ka hria a. Tichuan an tana hemi hi inhumhalhna tha tak lo awm sa a kha a dangah pawh kan lo neih sa tho a kha anih avangin belh nisela tih a ni mai a, hlauhthawn tur a awm lova. Tin, kan dan hemi Rules of Procedure and conduct of Business-in mi a phal ang khan Pu Speaker, kan Rule 130-na i power-in a phal ang khan amendment pawh kha a tul anih chuan Speaker-ina i chair atanga rem i tih kha chuan, House remtihna khan thil a tih theih tho niin a lang a. A hmaa notice lo pek loh

pawhin amendment helai kan lungruual theihna tur lai te a kha chu 'leh' han tih lai dahluh leh turin Central sorkarah han tih lai te pawh kha kan lungruualna anih chuan thil harsa tur nilovah kan ngai a. Chu chu i hre zawk anga, khatiang anga kan inlungruual theihna kha vawiin angah hi chuan a pawimawh hle in ka hria a. Tin, kan proceeding-a minute te pawh hi nakinah thangthar zel ten an rawn chhiar anga, chungah chuan vawiin nia kan thu khel te hi a pawimawh zia a lo la lang tulh tulh dawn niin a lang a ni. Pu Speaker, 1935 vel daih tawh atang khan hei kanhriat theuh tawh angin excluded area-ah fimkhur taka enkawl ngai kan ni a. Government of India khatih laia British sorkar hnuaia India sorkar dan siam reng reng a kha helaiah a bika apply tur a ni e, an ti anih ngawt loh chuanin apply lohna tura hman lohna tura excluded telh loh a pawn a dah kan nihna a kha a pawimawh em em mai a. Khami spirit a kha hemi Doctor Ambedkara te constitution siam-a chairman drafting committee te pawhin zah tak in a han sawi chhawn lehnaah pawh khanin Tribal area leh schedule area hemi fifth schedule, sixth schedule danglamna an sawiah te pawh khan comment kha a pe nalh em em mai a. Fifth schedule-ah hi chuanin Governor-in a hnial anih loh chuan India dan siam reng reng a kha hman nghal a ni ang tih a ni a. Tribal area-ah ve thung chuan Governor-in rem a ti anih loh chuan hman a ni lovang tih a ni a. Inhnaih te si khan a in opposite daih mai a ni. Chutiang ang chiah chuanin hun kal tawh atang khan uluk takin hemi Tribal area administration chungchangah hian mithiam zawk te leh thlir thui zawk hnam dang te hial pawhin tiang ang hian min lo ruahman sak tawh a. Tuna kan han nei leh ta lova hi Tribal area kan nihna thai bova a lo awm a hi a lo pawimawh zia chu a lang chiang em em a.

Tin, a kal chhoh zel atanga Bardoloi Sub-committee ina an thlira commend an pek khan hemi exclude area hova kha chu 'Tribal Area' ah puan ni rawh se, India hmarchhak hi chu tiin recommend ni awma hriatna a awm a. Khami pawh kha chhonzawm leh dah chhoh kha ni awmin a lang a, India hmarchhak hi a bika enkawl hi kan ngai . . . reng reng a, India sorkar pawh hian chhonzawm zatin a enkawl dan tur a hi an buaipui nasa a. State reorganisation 1945-a hna rawn thawk pawh khanin henglai thleng pawh khan thil awmdan an rawn chhui chhova. Rambuai hma lawka 'Peter Scott Commission', Pu H.V. Peter Scott Chairman na hnuaia Rambuai hma ni tam pawh ni lova, Mizoram an rawn tlawh khan recommend-na, Hmarchhak tlangmi lungawi lohna chinfelna tura recommend an siam te pawh kha a tha chho fu a. Amaherawhchu, kan lungawi tawk lo zel a, N.E. Kha, keini phei khuan mahni ke a din kha huamin khatiang khan buaina a lo chhuak zui ta nghe nghe a. Cabinet committee 1966-a Guljarilal Nanda khatih laia Home Minister hova committee te khan recommend an rawn siam a, 1967-ah Ashoka Mehta

committee lo ding leh te pawh khan anhan bei chhova, khatiang khan India Hmarchhak hi a namen lo hle mai a. Uluk taka enkawl a ngai a, a hranpa a enkawl an ngai a ni tih a zir pawh an zir nasa hle a ni. Tichuan 1969 vel a Meghalaya, Assam hnuaia State hranga an dah hi a practicable love tih hmuhchhuah anih leh khan 1971-ah kan zarzo kan ti dawn nge N.E. pumpui siamthatna kha a lo thleng ta a. North Eastern Regional Organisation Act pass 1971 a lo nih khan Tribal Area kan nihna a lo bo ta daih mai a. Khatih lai khan vanduaithlak tak mai in hruaitu mumal tak kan awm lova, kan District Council kha mumalin a function tawh si lova. Ram hruaitu sorkar anga kan biak tur mumal kha an awmtawh bawk silova, chutih lai chuan, nakini hnu ah la tangkaina a awm ange, an damlaina hmuhlte pawh hi a tha e, tiin. Hman kum deuh lawk khan Pu A.C Ray-a khatih laia kan DC kha Calcutta-ah ka kawm a, tunah chuan vanduaithlak takin ka hriat sual loh chuan a boral sawh nghe nghe a.

Chhim lama hruaitu pathumte Pu Mylai Hlychho leh Pu H.K. Chakma leh Pu Hiphei-a tih niin ka hria. Ka hriatsual chuan min ngaidam sela, khamite pathum khan Memorandum siamin hemi District Council pathumah P.L. Region tih thin kha then nisela tiin an recommend a, chutah chuan ka zawhna chu; commission siamin hemi constitution dan anga, sixth para 1-a proviso anga Governor-in-a thil a ti dawn anih chuan, commission siam a ngai a ni tih a hi, an hmang em? tih hi ka zawhna a ni a. Commission siam a awm ka hre lova, hemi ten an thil theh luh ah hianin Central sorkarin unilateral-in ammahni atangin thil an rawn ti tlu mai niin a lang a ti ta a ni. Chuti anih chuan a kalphung, a pian to a hi kan House Leader-in a sawi fo thin ang hian a fuh vak lo a ni. Helai a rawn in siksawi dan a hi, khatih lai taka hruaitu anga rawn tur kan neih loh lai a, Central sorkar-ina remchang nia hma an lo lak niin a lang a, Chulai lo pian tak na ah chuan chutih laia commissioner nena Kachar District nena kan commissioner Pu Dhar-a te Khan a role play tu pawimawh sawina te pawh kha a awm a. Kan hre ve pha chiah lova, zirlai kan nih avangin a kip a kawf chuan kan hre ve pha lova.

Tichuan, District Council te leh District Council dan siam thenkhat kha chu kan la hmang thova, tunah hian kan kalzel thova, a lehlamah chuan Tribal area kan la ni lo chung hian kan hmang a kan kal tho alawm tih ang zawngin min hnial duh ta sela, engtin nge kan tih ang? Hmawlhthe zawngin kan compound hi ala in hung ve tih chu tlang hriat a ni a, District Council sulhnu kha a la awm chho zel a. Chutih rual chuan hei Hmarchhakah hian India sorkar laipui pawh hi kan kheuh harh a ngai ta reng reng mai a. Tunah hian hemi constitution-a an lan dan hianin District pakua ah hian, pakua te hi Tribal area-a puan

an ni a, Nagaland te, Manipur-a tuna District Council awmna ngei ngei te pawh khi Tribal Area-a puan lohin an awm tlat a. Arunachal te pawh Tribal Area-a puan an awm lo tlat a ni. Amaherawhchu, kan inner line regulation hian min chhan ni berin a lang a, tunah hian khang kha tih kher kher hun engtik ni ah emaw lo awm se a him reng ang em tih pawh kha a hriat theih lova. Tichuan Tribal Area-a heng ho zawng zawng hi puan chhuah a dah chhuah tur a nitih hi keimahnitan chauh lo pawh hian a tul niin a lang. Manipur ah phei chuan a lo lem viau a an District Council khi..... State in an han pass ve tawp mai a, heta khung chuang lo hian, an District Council te khi a lo lem viau mai tih te pawh han hriat chhuah a ni a. Tichuan hetiang anga lut a, a lo tul tak rual rual hian khirh khan lutuk lo anihna te pawh kan hre shho zel a. Constitution te kan han en chuan in hemi Para 21-na-a Sub-Para 2-ah khanin constitution amendment ang teh tlura article 378-na anga kalpui ngai lovin, Parliament in simple majority-in a pass mai thei niin a lang bawk a. Kan move a kan han tih hi chu hnam chhan nan kan tih ngei tur niin a lang a.

Pu Speaker, thil danglam tak lo piang chho ta chu Bodo Council khu State level Council in a lo piang ta a, hei hi a danglam sawt ta khawp a. Thil thar hi lo piang chhova, tunah keini pawh kan duh angin Aizawl leh Lunglei district te, district dang lo piang neuh neuh heng zawng zawng hi a vaia huho hian joint council kha a awm thei ta a ni. A malte tea mahni District Council Kolasib, Aizawl, Lunglei, Serchhip tih ang chi te ngai lo khan Joint-in a theih a. Chu chu a tul anih chuan Central sorkar hian arawn siam thei a ni. Tichuan, tunah hian kan un hungna hi a rinawm tawh loh em avangin Herhse ban in emaw concrete-in emaw rinawm takin kan thangthar lo la kal leh zel tur te tan tun hunah hian hmuh ral- muang tak kan tawna Central sorkar pawhin kan ram bo- ruak te en a, rilru chhia leh khermei kan awm lo tih an hriat laia mi an rin em em lai hian hei hi kan move a lungrual taka he House-a kan pass a, kan thangthar lo la kal leh zel te tan a inhungna tha tak kan siam hi kan tih tur niin ka hria a. Lungrual taka pass tur in House hi ka sawm a ni. Ka lawm e.

*Speech not corrected.

PU TAWNLUIA
MINISTER

: Pu Speaker, hei vawin nia Resolution, Pu Lalthankunga Ratu bialtu zahawm tak ina arawn putluh 6th schedule Para 20 Sub-para 1-na Tribal Area tarlan Part III ah hian Mizoram pumpui dah lut turin Central sorkarah siam that Amendment dil ni rawh se, tih thu House-ah

....388/-

kan sawi thei hi a lawmawm hle in ka hria a. Tin, member zahawm tak tak ten he Resolution hi a negative zawnga sawi kan awm lo niin ka hria a, a lawmawm pawh ka ti a, keini MPC leh MNP Party te pheih chuan mipui hma ah Election Manifesto-ah te kan lo tar lang a.. Vawiinnia sawi hona leh bawhzui theihna remchang kan nei hi a inhmeh hle in ka hria a. Tichuan vawiin niah hian Pu Speaker, tawite ka han tarlan ve duh chu, hei India ramah hian hnam chi hrang hrang, thlah chi hrang hrang kan cheng khawm a ni a. Ram zau pui a ni a, chutianga sorkar khata kan awm takah huan sorkar laipui in a chenbeh zawk te, a hnufual, hnuaihngung zawk te sum leh pai, in leh lova rethei zawk te leh hnama chi ang pawha tlem zawk te enkawl dan tur constitution-ah siamin tiang hian provision hrang hrang te kan nei a ni a. Vawiin niah hian a Minister te an zau zel zawk niin kan hre nghe nghe a ni. Chumi entirnan, tahchuan hei private Bus hi Shillong-ah khuan Rs.320 a ni a, chuan man vawiin nia kan sawi resolution pawh hi chu lampang thu chu a ni a. Schedule area tih te, Tribal area tih te hi vawiin niah hian kan sawi pawh lek lek in ka hria a.

Schedule area an tih thin chu State hrang hrangah tribal awmna hmun kha Jhum area tih a ni a. Hei keini Assam rama awm thin, tun hma a District hrang hrangah tribal awm te kha tribal area tih a lo ni thin a. Chutianga a lo kal chho zel ah chuan District Council kan neih pawhin tribal area kan ni a, District atanga U.T-ah kan luh dawn khan khami danah khan vawiin nia kan sawi tak tribal area kan nihna hi tun hma a Aizawl District, Lunglei District te hian kan hlauh ta daih mai a. A chhan leh avang chu sawi dawn ila, kawng hrang hrangah sawi tur a awm mai thei e. Amaherawhchu, kan tun dinhmun la la ah hi chuan kan kal mai hi kan ram kanhnam tan thil tha niin ka hria.

Chuvangin vawiin nia kan resolution hi Mizoram pumpui hi hemi tribal area-ah hian dah luh leh ni rawh se tih te chu Mizo mipuite tan hian kan welcome theuh tur niin ka hria a. Tuna kan Autonomous District Council 3 tan heti lo deuh hian ti anga, sawlamah kan MLA zahawm tak ten an han sawi pawh kha helaiah hian a huam zau dan zawka hi chutiang zawng chuan ngaihtuah zawk ila tha in ka ring a. Tunah hian Zoram pumpui han tih chuan tuna Autonomous District Council pathum te pawh hi a huam em em mai a. Chuvang chuan a huam zau zawngin a tawi zawnga sawi dan remchang tak pawh niin a lang a. A awmia chu tun hma a Tribal Area lo ni tawh, Aizawl District leh Lunglei District tuna awm ta lo hi dah luh leh ni sela, a awmsa chu khati khan a ring nghal a, a pumpui han tih khan a awmsa te kha a nemnghet leh zual ta in a hriat zawk mah a. A wording-ah hian ngaih-mawh tur awmin ka hre lo a ni. Chuvangin Pu Speaker, vawin-ah hian Mizorama chengte chu Tribal hi majority kan ni a, chuvangin kan constituency zawng zawng pawh reserve

Sest a ni a, mipuite hi Tribal kan ni a, chutiang chu a-nih avangin kan chenna ram leilung a area kha Tribal Area anih loh kha a inhmeh tlat lo. Hengah hian uluk zawka ngaihtuahin Zoram mipuite kan tan hona tur, party amgin thinlung hrang hrang nei mah ila, aw khat kan chhuahna tur hmun niin a lang a. Chuvangin Pu Speaker, he kan resolution hi lungrual taka kan pass mai hi a tha in ka hria a. Tin, Remna thusawia India sorkar leh MNF te inbiak lai pawh khan heng thu te hi tarlan a ni in kan demand zingah telin hun rei tak sawi a ni in hemi chungchang hi sawi hona vawi tam tak kan nei a. Kan hriat theuh angin Zoram in Remna a mamawh leh Remna kan nghahhlelh em em avangin Remna kawng awm theih dan te dapin tuna Remna Thuthlung kan han sign ang chin khan Remna kan siam ta a ni a. Hengah hian inpuhmawhna emaw, zuk in-chirhthehna emaw pawh hi awm lo hram hram se tih hi ka duh dan a ni thin a. Remna chungchang thuah te, Zoram dinhmun tur chungchang thuah te chuan a tha hlei hlei duh theuh kan ni ang. Duhthusam sawi ang hrim a lehlama tute emaw zuk taina kan neih thin hian hengah hian kan hnam kan tanrualna turah khan bahlahna te a awm thei mah mah zawkin ka hria a. Chuvangin a ngaimawhtu leh a ngai pawimawh tu kan nih tlan theuh angin tuna kan tih tur leh kan mawhpurhna hi rual takin ti tlang dial dial ila tih kha Pu Speaker, kan sawi duh a ni e. Ka lawm e.

PU LALCHAMLIANA
MINISTER

: Pu Speaker, point of clarification kan ti dawn nge ni hei Dar 4 a hnai tawh a, kan senior member te khan private

resolution ah Dar 4 kan pel ngai lo an ti a. Hei kan pass hman lo ang tih a hlauhawm bawk si a, engtin emaw ro i rel mai a ngai a nih hi.

SPEAKER

: Kan Leader of Opposition hi tawi kim thei ang berin han sawi ta sela, chumi zawhah House Leader ko leh ila, chuan

pass hram i tum leh ang. Engngemaw tia hun laklawh tlemte kha chu resolution laklawh ah chuan kan remtih tlan leh tlan loh a thu mai a ni a. Tunah Pu Lalhmingshanga i ko leh ang.

PU LALHMINGTHANGA

: Pu Speaker, hei vawin-ah chuan kan ram leh hnam tana pawimawh deuh mai, thangthar zel tan pawh a kawngro su em em tur

resolution tha tak kan MLA zahawm tak Ratu bialtu hian a rawn pulut hi a lawmawm tak zet a. Tin, MFC leh MNF in a kan joint manifesto

ah Khan Political tih ah a number 6 na ah Khan kan lo dah tawh a ni a, a pawimawh dan chi hrang hrang kha chu member te leh kan Minister te Khan kawng hrang hrang hi an rawn sawi tawh a, sawi teh chiam tur pawh a awmtawh lovin ka hria a, ngaihthlak pawh a nuam hle a. Mahse, thil thenkhat han thual leh mai mai atana tha chu, Tribal-a mihring a hi chu schedule tribe order atang Khan schedule tribe list atangin min la thei chhe lova, India sorkar atanga ngaihnathiamna hrang hrang kan neih thin pawh kha kan la enjoy ta a. Amaherawhchu, area ina a ken tribal area nih loh vanga thil harsatna thenkhat hi kan kawh chho a, kha kha mover pawh Khan tha tak Khan a rawn sawi a. Chunga kan tawh chhoh lai mak thenkhat chu tribal area kan nih lohna avanga hnam dang kan aiah India ramah advance tawh zawk te anga, area hi generalise theih mai hlauh-awmna te kan tawng kan tawng chho tan ang deuh kha a ni a. Hemi a Mizoram pumpui tribal area-ah a awm hi kan zavaia interest leh thil tih makmawh thil tultak a ni a. Tin, India sorkar tan pawh Khang chu thil uihawm a ni hauh lova, a hmalamah kan member zahawm tak tak ten an rawn sawi tawh ang Khanin keimahni awmna hmun theuhah kan hlim a, Central sorkar hian min enkawl danah lungawimate kan neih hi chuanin a ram pumpuiah hian boruak duhawm leh hnam hrang hrang leh chi hrang hrang, sakhaw hrang hrang bia te pawh inngeih tlang taka India ramah kan awm theihna tur te kha a kawh zawk a. Central tan pawh tun hunah heng hi ui tur awm hauh lovin a lang a.

Tin, India Hmarchhak hi a map ah kan han en pawhin Bangladesh leh Nepal, Bhutan lam hian a rawn ru hek viau va, chumi chhak lamah chuan hemi Sikkim pawh tunah India sorkar thinlungah a rawn lian tan a. North East State pasarih(7) kan tih thin Sikkim an rawn belh tak ah hian pariat(8) hi a theih ang anga India sorkar pawhin kan thinlungah neitu chan kan chan thiam theih na tur te, tin, India ah hian kan tui chhoh zelna tur ten rilru a put chhoh leh a in siam chhohna lai tak te pawh a ni a. Chuvang chuan tunah tribal area ni ta lova a then kan awm hi a siam that hun lai tak pawh a ni a. Tichuan kan resolution pawh hetiang hian mimal taka rawn lut ah kan vaia kan him tlanna tur a ni a. Tin, chhin tuipei District lamah kan MLA zahawm tak tak te, dinhmun hi hei lang sa vek a ni a, 6th scheduled Para 20 kan mover in a sawi ang hian Part III na-a tribal area-ah a in ziak lut tawh a. Chuvang chuanin kha lam va khawih chhiat tumna nilovin, khatiang kha hei hian a kengin ka ring lo a. Tin, Mizoram rorelna in a tum pawh a ni chuang lovanga. Chuvang chuanin he kan resolution hi thinlung taka kan pass chuan kan ram tan thil ropui tak leh thil tangkai tak, tun hny zelah pawh kan himna tur hungna pal tha zawk kan in hungna tur a ni. Tin, hei tuna ka buaipui lai mek, hnam tenau kan nihna te ah hianin hungna pal tha chi hran hran India constitution-a chuang hi kan mamawh a ni. Palzam mai kan nih lohna tur atan kan sawi thin a, kan thawm mawl pakhat ah hei hi pal khat rawn kengtu tur a ni dawn a

Chuvangin he resolution hi a tha kan tih a, lawm taka kan pass theih hi kan mamawh a, India sorkar tan pawh heng hi thil ui tur pawh a ni lova, hei mipui lungawi theihna tur kawng a nih chuan a hmalamah pawh an rawn sawi tawh ang khan, hemi 6th scheduled-a provision siam kher lo pawhin tunah Assam chhungah leh Arunachal, Manipur-ah te, Nagaland-ah te hetiang rorelna limit te pawh an operate te a tha a, objection engmah central sorkarin a siam lo, engmah central sorkar atanga an dawn pawh kan hmy lova. Chuvangin a area hrim hrim hi schedule area, tribal area-ah min dah leh ulang, a pum-pui hian han tih hi India sorkar huat tur pawh a ni lova, kan chanvo dik tak fiah taka member zahawm tak tak ten an chhutchhuah tawh a, hmanlai atanga kal chho zel kha a ni a. Chuvangin he resolution hi lungrual takin pass thei ila tih hi keini lam pawh hian kan ngaihan a ni a. Tin, a puluttu hnenah pawh hian lawm thu kan sawi duh bawk a ni e.

*Speech not corrected.

SPEAKER : Kan House Leader-in sawi tur a neih chuan han sawi ve sela.

PU ZORAMTHANGA CHIEF MINISTER : Pu Speaker, kei pawh rei tak han sawi tur ka nei vak lova, a lawmawm khawpin ka hria a. Resolution tha tak mai a lo lut hi a lawmawm a, pakhatnaah chuan, a point ang deuhin kan sawi zawr zawr anga. Tribal Area kan nih tak loh avang hian tumah inpuhmawh tur kan awm love, kan mawh nihna chen a awm thei e, kan vaiin a ni tih kha hre nawn tlang ila, chumite tih loh vang alawm ti dawn ila dikna chen nei vek a ni a. A tirah kan Mizo Union hruaitute ho dik loh alawm ti dawn ila a nihna chen a awm anga, kan congress hruaitu hmasate dik loh alawm ti ila a nihna chen a awm bawk anga. Tin, kan PC unau te alawm ti ila a nihna chen a awm anga, kan MNF unau ten engati nge in rawn tih loh reng ti ila a nihna chen a awm bawk anga, kan vaiin Party-ah phei chuan hmana Union kha kan congress a, hmana congress kha kan PC a, hmana PC kha kan MNF a, MNF kha kan PC a, kan congress a, khatih kual ah kal kha tam tak chu kan ni tho tho mai a. Chuvangin dangdai tak tak chuang kan ni lova, kan vaia mawh theuh a ni a. Chuvangin, hetah hian keini pawh chiang taka kan admit a chu engati nge MNF te hian Inremna Thuthlungah khan in rawn tel loh ? an ti a. Engnge ni Cricket Player em ni ? Tu ber kha nge ni ka hre ta lova, an au va an in khel lain,

.....392/-

engati nge khatianga i tih that loh a ti a, tlan pah in ka thei bik tawh lo a nih hi a ti e, tih ang deuh khan, keini pawh a chhan ber chu kan thei bik lo, kan zo bik lo, zo ni ila Independent ram hawn duh kan ni a, kan zo bik law. Chutiang chiah chuan India sorkar pawhin State-a min tih a, khatia special concesson pek kha a duh bik hauh law, khatianga min tih ral vek kha a thei bik law, kan in lai tan na a kan theih chin ve ve ah kan lo haw a ni mai a. Chutiang bawkin, mi dang pawhin theihtawpin kan bei a, mahsela, kan theih chin theuh limitation a awm a, vawiin ni hi kan thleng a ni tih kha kan pawm tlan a ni ah ka ngai a. A pawl ber erawh chu, naupangte, a banah a thiante a lutukin an kai a, thil chinchang an hriat loh, avangin ka tih thaih te tiin emaw, meilingin an va in hal ta a, banah. A lo ser ta a, a ser kha rin aiin a lo rei khawp mai a, kha ser kha kawrbun bul a hak chang te in a lo langsar riau mai a. Paih a duh ta a, a rei tulh tulh a, a that lohna a hmu zel a, a tet laia 'awih si' ti a na lutuka a ngaih loh kha, a lo fei zel a, a ser a kha a lo lang chiang ta si a, paih leh a duh ta a. Nakinah chuan paih meuh tur chuan plastic surgery, a vun hmun dang ami te hleh a bel hial a lo ngai ta a. Chutiang deuh hlek chuan keini pawh a tirah chuan, 'thaphian ang' kan ti mai a, kan chian loh avangin, politic-a kan la naupan avangin. A lo rei zel a lo rei zel a, kan rin aiin a lo tha ta lova. Chuvangin, theihtawpa opposition a, ruling e ngaihtuah lova, hei hi kan zavaia lungrual taka kan beih a lo ngai ta a. Plastic surgery level kha a thlengin ka hre lova, chuvangin khatianga deuh hlek khan kan vaia kan tan tlan pawh a lo ngai ta a ni.

Tin, a dawt leh a ka han sawi leh duh chu hetah hian Aizawl leh Lunglei District then hma undivided Aizawl leh Lunglei District hi Tribal Area-ah hian dah leh rawh se tih khan ti dawn ta ila a buaithlakna chu tunah kan administrative system-ah chuan chuti zawnga kan dah dawn chuan Aizawl, Lunglei, Mamit, Kolasib, Champhai, Serchhip District ti a sei deuh a dah a ngai a ni. Nakinah District thar lo piang leh sela hei pawh hi tianga amendment emaw kha tul leh a ni ang tih pawh kha a hlauhawm khawp mai a.

Chuvangin Mizoram pum kan tih khan Mizoram a vai khan a huap vek a, tin, a dawt leh ah chuan nakin zelah constitution India ram constitution chhung leh dan ang thlapin he Mizoram pawh hi a lo zau leh thei a ni. Nakina Manipur contiguous Area ram insi reng a awm, kan unaute sawn Mizoram nen ram khataawm kan duh tiin Mizoramah pawh an lo la lut mai thei hmun dang ami pawh. Mizoram pumpui Tribal Area-a kan dah khan kha kha kawng a hawng zel a ni. Chuvangin tunah Aizawl District, Lunglei District chin kan tih chuan political in, ekhai, kan tel ve lohna turin dai an sat leh ta maw, Mizozo District a pian tirh a keini lam min telh ve lo kan

tihna lai zawng zawng kha in khar leh zo dawn min ti tawh thin ang deuh khar, heng hi thui tak Mizo Hnah-thlak zawng zawng te tan pawh nakin zel a India constitution chhung ang thlap a kal si in, Mizoram pumpui hi Tribal Area-ah awm rawh se, kan tih hian Mizo hnah-thlak zawng zawng lungrualna leh kawng pawh a hawng bawk a ni.

Chuvangin hei hi a that bikna lai a ni. Tin, chumi a hlawkna chu kan hotu kan Member zahawm tak tak te khar an sawi tawh a, income tax te pawh nakinah lo la kal leh thei a ni a. Chutiang dan nan te, kan trading regulation leh thil dangah te a tangkai em em a ni tih kha kan sawi a, kan ngaithla tawh a, kha kha chu sawi nawn ngai lovah ti ila.

Tin, tun hma khar engati nge kan tih loh a chhan bulpui ber pakhat a chu keimahni a gradity a serious-na kha kan political leader leh Zoram mipuiten kan hre tawh lo a ni. Chu chu a dik a, amaherawhchu, kan hriat chinah pawh khar keini ina Peace Talk-ah pawh khar kan nawr a, kan thei bik lo a ni. Inremna kha neih loh phah a ngai a ni, engati nge kan tih chu, Central sorkar a chak lutuk khatih lai khar, Central sorkar a chak lutuk a, an duh ang khar thil dictate a awl lutuk, venthawn tur dang an nei miah lo. An phal chin chiah chu cut hmak hmak mai thei dinhmunah an ding a, State chuti taka, "A, anni hi an tal hiar ange, tihna kha chuti lutukin an ngaihtuah lo/deuh a ni. Central an chak luat kha chuan, chu chuan min ti har khawp mai. Tun ang hun hi chu nise a dan a dang daih ang. Amaherawhchu, tun hi a hun takna chu Central sorkarin vawk lal len a "Ka duh duh ka ti thei alawm," tihna ang period kha kawng chi hrang hrang atangin a liam tawh a ni.

Pakhatna ah, Economic crisis kan hriat theuh angin kan Central Budget chu kan hmu Vaibelchhe sang sing tel tak takin deficit-in" Engtin nge kan dipui ang," tih ngaihtuah thamin Central sorkarah kan Finance dinhmun a chhia a. Chuvangin, beihpui thlak a ngai a,, State zawng zawng co-opertion a ngai tawh a ni. India ram economy-ah hian, economy a chhiat chuan Soviet Union pawh tuma hriat lohvin a tlu chhe rup mai a ni. Chuvangin economy chhia hi tunlai ral hlauhawm ber ram tur anih avangin, India ram State zawng zawng lungrual taka kan tan tlan a ngai a. Chumi anih loh chuan, a tichhe ringawt mai pawi ti lo, State-ah lungawilo kan tam chuan India ram State zawng zawng lungrual taka kan tan tlan a ngai a. Chumi anih loh chuan a ti chhe chi ringawt mai, pawi ti lo, State-ah lungawi lo kan tam chuan India ram tan a pawi tlat mai a. Chuvang chuan economic dinhmun, India ram kan en hian Central sorkar hian State sorkar te tih lungnih a, India rama law

and order problem te, economic problem lian te, awm lova kal hi a hlawk a, India ram din zelna atan a hlawk a ni tih an hmuh avangin tunah hian State an enkawl danah policy-ah pawh vawk lal len a duh duh dictate zawnga kal hauh lovin, pa chan changin zawl ano rawn dawh em em tawh a ni. Chuvangin North East ah ngat phei chuan, chutiang awmkhawm chu kan ni a, buai ram ni a, a buai lo ber pawh, zep nak emaw, Mizoram pawh buai ramina min hual, darkar khata min rawn tibuai thei vek, an duh duha min rawn ti buai thei, international border-ah leh State border-ah pawh kautia hual vel vek, a buai lo ber pawh kan ni. A buai a te phei chu kal ngaihna awm miah lovin, tun ah hian a awm a ni.

Chuvangin, North East hi ngaih pawimawh tur a ni tih hria in a bikin Sikkim pawh hma in a lo awm ta a, Burma nena policy pawh tun hma a mi ang nilovin Burma (Sipai sorkar) nen pawh policy tha nei a relation tha neih a tul a ni tih India sorkar hian a hriat avangin Burma sorkar-a an hruafitu lian ber ber an General te an in hmuh na atan pawh Delhi ti lovin Shillong-ah ngei hmangin, tikhan a nawl-puiin Ambassador te nen an rawn tawh a, an General rual biak a, Burma nena relation neih that kha India sorkarin a tul a ni tih hria in North East-ah a hmun pawh ngatin a rawn ti a. Border Area-a a pawimawh development atan hei Vaibelchhe chuti zat kan rawn pe a che u, tiin tunah hian an rawn ti chho ta zel a ni.

Tin, chu chauh chu nilovin, Bangladesh side atangin ISI an lo lut ang tih hlau in hmun dang dang North East min nek tu atangin India ram integrity ti chhe thei leh North East-a kan harsatna min thlen thei turin Foreign hand a lo lut ang tih hlau in kawng chi tin rengin North East pawimawhna hi India sorkar pawhin hma a rawn la ta. Chuvangin, ni dang aiin India Hmarchhak-a State te aw hi nasa takin an ngaithla a, an ngai pawimawh a ni. Chuvangin kan economic problem khan khang kha tunah hian min rawn siam ta a. India ram hian chak leh zual a economy leh thil tin renga a kal chakna turin a State te aw hi a ngaih pawimawh a tul a ni. Tun hma zawng pawhin zep nak emaw, central sorkar chaktaka a awm lai chuan State C.M tur khan anmahni phei chuan an dah zung zung a, central atangin a sem darh a ni. Sorkar, tuna anni hmalam phei kha chuan State C.M kal khawm kha central-a lal siamtu a nizawk hial a ni. Boruak a lo in thlak avangin tuna State pawh a len lai hian nawr hi a hun a ni. Tin, chulai point tha chu, constitution siam thatna turin committee an din mek a ni, chu chu a hun lai tak a ni. Chuvangin constitution siam tha tu tur committee party tin te aiawh la khawmin central-ah an siam lai hian Mizoram State Legislature-in lungrual takin hmama kan nihna pangngai ang khan awm leh kan duh e, thil thar a ni lo, kan zuk tih hian an tan uihawm pawh a ni lo.

Chuvangin vawiina lungruual taka kan thu sawi te a kal pawh hi lawmawm ka ti a. Tin, amendment chungchang thu ah chuan 'leh' tih han telh kha a tha zawk em, a tha zawk lo em tih ah khan, a sual pawhin ka hre chuang lo a. Tin, telh loh pawh khan a sual tak tak chuang vak pawhin ka hre lo a, 'leh' pawh telh ila hmana kan nih tawh sa na kha tarlanna a ni mai a, amaherawhchu, kan resolution mai bakah hian ti hian a supporting document nen khan uluk lutukin hei hi chu kan theh thla dawn tho tho a. 'Leh' tih kha telh lem lo ta mai ila, chuti lutuka sual pawh a ni chuangin ka hre lova. Tin, telh pawh khan a sual chuangin ka hre lova, Khalaiyah kha chuan. Chuvangin kan House hian tun hi kan historic moment ni sela, chung circumstance kanttana min favour tu tlinkhawm lai tak leh central pawh a inhawn lai tak nia a lan lai hian he resolution hi lungruual tak in pass ila, Mizoramtan rahbi pawimawh tak pawh a nih ka bersei a ni. Ka lawm e, Pu Speaker.

*Speech not corrected.

SPEAKER : Tunah chuan Mover kan ko dawn anga, Mover hi 5mins ka pek belh thin a, mahse vawiin chu kan hma lo lak lawh deuh nen, a sawi tu apiangin ama lam hawi veka sawi an ni bawka a, pass han dil maiteh se.

PU LALTHAN KUNGA : Pu Speaker, ka lawm e. Tawngkam khat na na na te chu min phalsak ang chu maw lei vawiin niah ka resolution sawitu zawng zawngte leh sawi lo te leh kan opposition leader leh kan House leader chungah lawmthu ka sawi tak zet a. Parliament Dan siamzawng zawng ten a bo a bang awm lovin Mizoram a rawn nghawr phak tawh a. Code of Civil Procedure 1908 & Code of Criminal Procedure 1858 te pawh Mizoram ah kan operate tawh a. A that lohna tur a tam em em mai, chuvang chuan 6th schedule paragraph 20-na Sub-Para I-a Tribal Area tarlan Part III-ah hian Mizoram pumpui dah lut leh turin tih, Pu Speaker, Amendment dah lut leh turin Central sorkar-ah ngen hi rawh se tih pawh kha a pawl lo in ka hre viau a. Siam that Amendment han tih teh duah ai pawh khan Central sorkar ah ngen ni rawh se, tih kha thu hlawmkhat, tuna kan House Leader-in a sawi ang khan past-mistake min rectified sak tura ngenna a nih avangin Chhimituipui lama kan MLA ten an ngaimawh thil awmsa anih avangin, engmah tih danglam tumna a awm reng reng lova, a inkah reng reng lova, a awmsa an nemnghet thlap a. A tum ber zawk chu helai Mizoram pumpui nisa si, a then awm leh

awm lova an siam kha.....(Interruption).....
Pu Speaker, chu ka Resolution chu he House zahawm tak
hian min pass pui turin ka ngen e.

SPEAKER : Pu Lalthan Kunga Resolution,
"Sixth Schedule paragraph 20
Sub-Para (1)-na Tribal Area
tarlan Part III-ah hian Mizo-
ram pumpui dah lut turin Central sorkar ah siam that
dil ni rawh se" tih hi pass remti apiangin remti ti
rawh u le.

'Remti'

Remti lo apiangin remti lo ti rawh u.

Lungrual takin Pu Lalthan
Kunga Resolution "Sixth Schedule 20 Sub-Para (1)-a
Tribal Area tarlan Part III-ah hian Mizoram pumpui
dah lut turin Central sorkar ah siam that dil ni rawh
se" tih chu vawiin hian lungrual takin he House hian
a pass a ni. Tunah chuan kan chawl tawh anga. Ni 10
thla 4 dar 10:30 ah kan thu khawm leh dawn nia.

Meeting adjourned. 4:10 PM.